

HWAMANDA INOPA RUZHA

RWUSINGANZWISISIKE

 Ndatenda zvikuru, Hama Demos. Mukana mukuru kuva muno muungano ino yeChikristu manheru ano, zasi kuno munyika ino ine chando. Zvino ndafona kumba, nguva shoma yapfuura, zvino kuri kudarika pakudziya nemadhidgirii angaita 20, kumusoro-soro uko Kuchamhembe, kupfuura zvakuri kuita zasi kuno. Ndinofanira kunge ndauya nacho pamwe nenii. Ndichakurumidza kubuda ndozodzoka zvakare, nekukurumidza. Miti yese iri kuoma nechando. Unofungei nezvazvo, Creechy? Zviri... [Hama yacho inoti, "Kuri kutonhora."—Mupepeti] Zvirokwazvo kuri.

² Uye ndinofara zvikuru kusangana nemufundisi akanaka uyu, manheru ano, nekuonai imi vanhu. Ndanga ndichangopinda, nguva shoma. Ndauya ndichibva kuTucson, kwandatzoenda nhasi. Ndakatyaira zasi nezuro manheru, uye ndikapinda nenguva dzingaita 2:30 mangwanani ano, zasi kuTucson. Uye zvakare ndange ndakamuka zuva rose, zasi ikoko. Ndokubva nenguva shoma... Zvino, ndapinda, ndanga ndichangopinda kunge awa nehafu, ndinodaira kudaro, zvakada kudaro, kumusoro kuno. Uye saka handina kurara zvakanyanya. Asi ndichaedza kusarara pano. Asi tiri-tiri kufara kuva pano.

³ Kakomana kadiki aka, kari kutamba pano nemamaikirofoni aya apa. Ndagara pasi kumashure uko, pane... chimwe chezvigaro zvezana vadiki. Kakomana kadiki kauya, kakanditarisa zvine kushamisika chaiko. Ndikati, "Isu tese vana tinogona kugara pamwe chete, hatigone here?" Zvino, zvirokwazvo ndinoda vana vadiki ivava, zvisinei.

⁴ Uye, oo, zvinofadza chaizvo kuva pano manheru ano, nekuva neungano yakanaka ino yevanhu vakamira pano. Uye ndinovimba zvino kuti Hama Williams vakuudzai zvose pamusoro pazvo, naHama Rose pano, pamusoro pekonivhenisheni iri kuuya. Ndinodaira munonyatsoziva nezvayo. Iri kuzova paRamada, pakarepo, konivhenisheni yeveBusiness Men. Uye tiri kutarisira nguva yakanaka kwazvo ikoko. Hama Velmer Gardner, mutauri anoshamisa, anotaura zvine simba; nevamwe vashumiri, Oral Roberts nevazhinji, vachange varipo. Uye tiri kutarisira nguva huru munaShe.

⁵ Ndinovimba, dzimwe dzenguva idzi, ngativei neshumiro yekunamatira varwere munzvimbio iyoyo. Uh-huh. Ndinoda kutora Hama Oral, uye touya pamwe chete. Hongu, changamire. Hazvingave zvakanaka here? Kungave kuri ku-kupindira

chaiko pazviri, hakungave here? Shumiro yekunamatira vanorwara, zasi kuRamada, zvingava zvakanaka. Isu... Saka tinogona kuzviita, munoziva. Ishe vanogona kutipa izvozvo, kuva neshumiro yekunamatira vanorwara. Saka ticha... Tichitenderera zvino, kubva pane imwe chechi kuenda kune imwe chechi, kuedza kuparatzira mashoko akanaka, uye nokuwadzana mumwe nemumwe, uye tova nokuyanana mumachechi ose akasiyana-siyana. Ndizvo zvatinotenda mazviri, kuti tiri vamwe, muna Kristu.

⁶ Ndaitaura rimwe zuva nachiremba. Ndiri kugadzirira kuenda mhiri kwemakungwa, zvino unofanira kuongororwa muviri. Saka ndakanga ndauya kuzoongororwa. Zvino akandiisa pane imwe iya yemasaisai... Ini... Usandibvunza kuti chii. Zvino akawana chimwe chinhu chinoshamisa. Zvino akadzoka akatadza kuzvinzwisisa, zvino akatora boka ravanachiremba, uye haana kutongozvinzwisisa. Akati, "Handisati ndambozviona kumashure." Uye saka akandiratidza mufananidzo wacho, wekuti kazhinji kacho paive nehana, uye une hana yemukati, zvino dziri kure nekure imwe kubva kume imwe. Asi akacherechedza pane dzangu dzaiva dziri pamwe chete chaipo. Akati, "Uri chaizvo muchinda asinganzwisisike."

Ndikati, "Ndagara ndichiviziva izvozvo. Munhu wose anodaro."

⁷ Akati, "Hatina kumbobvira takazviona kumashure." Saka akatanga kundirondedzera nevvazvo.

⁸ Ndakati, "Asika," ndakati, "munoziva, ndinodaira kuti Ishe vakanaka, paVanotigadzira, Vanongotigadzira takati siyanei zvishoma. Hatitaridzike semumwe nemumwe, uye saka dzimwe nguva hatitomboite semumwe nemumwe. Asi—asi Vanozviitira iVo... Nzira yaVo pachavo yekuzviita. Tinongopinda mumuchina mukuru wekuumba, zvino tinongogara takaterama, Vanozotiumba nenzira yaVanoda kuti tive."

⁹ Uye ndi—ndinoziva kuti hapana angada kuva chimwe chinhu kunze kwezvauri. Chinhu choga chatinogona kushuvira tose... . Mshure mokunge taponeswa uye tava vana vaMwari, chinhu choga chatinoda ndiko kungofamba nepedyo zvishoma zuva rega-rega. Ndizvo zvatinoshuvira, kuyanana kukuru ikoko. Zvakaisvonaka kwazvo! Ungazombomira here uchifunga kuti taizoita sei kana dai tisina izvozvo? Chii—chii... Dai tariro huru iyoyo isina kuzorora matiri, taizoita sei?

¹⁰ Ndainge ndichitaura, mune imwe yemachechi, regai ini... . Kutanga, imwe nzvimbo, tevere imwe yacho, uye nokupoterera munyika yose ndinoita chitaurwa imwe nguva, ndinofunga kuti ndingangochidzokorora muchechi imwe chete. Asi ndaibuda muchivakwa mandainge ndaita sekutura zvakaomarara, nezvevanhu ava nhasi vari kuita izvi pano matambiro matsva avanawo, avanodana kuti twisti, kana zvimbewo. Ini ndikati,

"Handitongozivi, izvo nyika, kuti vanhu vanodirei kutyora makumbo avo ne—nekuita saizvozvo."

¹¹ Saka, pakanga paine mumwe muchinda, angangoita makore 26, 27 ekuberekwa, akasangana nenii kumashure, akati, "Chimbomirai zvishoma, VaBranham."

Ndakati, "Hongu, changamire?"

Akati, "Munoziva, imi hamutongonzwisise."

Ndikati, "Ndinovimba kuti handifi ndakadaro."

¹² Saka akati, "Munoona," akati, "ndiri kuona pfungwa yenyu." Akati, "Muri murume ane makore 50 ekuberekwa. Asi kana dai maive muri zera rangu, zvaizova zvakasiyana."

¹³ Ndikati, "Mira zvishoma." Ndakati, "Ndaiparidza Vhangeri pandaive mudiki kwauri nemakore 10. Ndichiri kutenda Vhangeri rimwe chetero. Ndakawana chimwe chinhu chinotora nzvimbo, uye nemufaro wakawedzerwa mukushumira Ishe kupfuura zvinhu zvose zvinogona kugadzirwa nadhiyabhore chero kipi zvako." Zviri... Zvinopa kugutsikana.

¹⁴ Munoziva, Dhavhidhi akati, imwe nguva, "Senondo inotakwairira hova dzemvura, mweya wangu unotakwairira iMi, O Mwari."

¹⁵ Uye kana wakamboona imwe yemhuka diki idzi, kana ichinge—ichinge yakuvadzwa, zvichida imbwa dzaibata, dzikabvanzura chimedu chikuru kubva parutivi rwayo, kana chimwe chinhu. Iri kubuda ropa. Zvino, iyo, imbwa inogona kuironda. Haina kufanana nemunhu. Uye inogona kuvhima nondo iyoyo kunyangwe iri kubuda ropa kana kuti kwete. Uye saka nzira chete... Kana nondo iyoyo iri kubuda ropa, nzira chete yainogona kurarama nayo ndeyokusvika pane mvura. Zvino kana ikakwanisa kusvika pane mvura, inonwa mvura iyoyo. Inomisa kubuda ropa, zvino—zvino inogona kutiza. Yakangwara chaizvo.

¹⁶ Asi zvino munogona kufungidzira, muchiona imwe yemhuka diki idzodzo yakuvara uye ichibuda ropa, uye apo musoro wayo mudiki wakasimudzwa mudenga, nepfungwa yese yainayo yokufemhedza kune mvura, nemhino yayo. Chaizvo, inofanira kuwana mvura, kana kuti inoparara. Uye zvino hwatongova hupenyu nerufu, kwairi. Iyo, chero hwema hwese—hwese—hwese zvavo hwainahwo, iri kuedza, ichishuva. Inofanira kuiwana.

¹⁷ Zvino, ndiyo nzira yatinofanira kunge tichitakwairira Mwari. Maona? "Senondo inotakwairira hova yemvura, mweya wangu unotakwairira iMi, O Mwari." Kuvanda kure pamwe naVo pane imwe nzvimbo, ndicho chishuwo chemoyo wangu. Uye ndinovimba kuti ndicho chishuwo chevose vari muno manheru ano.

¹⁸ Uye zvino, husiku nehusiku, uye ndinoda kuona izvi. Zviso zvaunoona pane imwe nzvimbo, unoqviona pane imwe. Ndi—

ndinozvifarira izvozvo. Iwe uchiratidza kuyanana kwako, uye uchiratidza zvatauyira pano.

¹⁹ Uye, oo, zvechokwadi ndingada kuona rumutsiriro rwechinyakare muPhoenix. Oo, ini zvangu! Izwi iroro rekuti *Phoenix* rakandifadza kubva pandakatanga kuriverenga, nezvaro: Phoenix, Arizona. Ini zvangu, mukomana mudiki, ndakafunga, “Dai ndikangokwanisa kusvika panzvimbo iyoyo! Dai ndikangokwanisa kusvika ikoko, kuPhoenix!” Uye zvino tichiona, uye kana tiri pano tinoiona yakanyura muhudzamu hwechivi, sedzimwe nzvimbo dzose, vashanyi vachipinda; uye vachinwa, vachiraradza, hunzenza, zvose zviripo.

²⁰ Asi, zvakadaro, pakati pazvo zvose, unowana matombo anokosha echokwadi akazunguzwa naMwari kubva mugwenga iri pano, ari kupena mukorona yevanhu vaMwari vanobwinya. Uye ndizvo zvandauyira pano, manheru ano, kuti ndizviise pamwe chete nemi hama nemi hanzvadzi, kuedza kuvhenekera Chiedza chaIshe Jesu kune vamwe, kuti vagowanikwawo, zvakare, mumhirizhonga huru iyi. Uye vazhinji vavo vachiri kunze uko nazvino. Ndakagutsikana nazvo. Pachine vakawanda vachigere kupinda, uye tinofanira kuita zvese zvatinogona kuti tivatore ikoko, uye vorarama hupenyu hunoratidza Kristu.

²¹ Zvino, tisati taverenga mashoko mashoma eGwaro... Ndapinda ndakanonoka zvikuru ndanyora zvinyorwa zvishoma, munguva ingangoita maminetsi 5. Zvino vemutero wemuhoro vehurumende vachangobva kunditumira mamwe magwaro emutero, ndatozopinda pakare ipapo, uye anofanirwa kuiswa chidhindo cheposvo, ndinofunga, zvichida nhasi, hazvo. Zvino saka ndazofanira kuti ndipinde muposvo. Zvino pandapinda, Billy ati, “Motofanira kuti mukurumidze.” Uye saka pano...

²² Ndakanga ndichingotenderedzwa, nekutenderedzwa, kutenderedzwa, nemachinda iwayo. Ini zvangu, oo, ini zvangu! Vanotaura nezvenduramo iri pamasuwo edare redzimhosva. Ndinozvishayawo kuti iri papi. Hongu. Handisati ndamboona zvakadaro. Zvino vaida kuti ndibhadhare mutero wemuhoro pacheki yese yandainge ndakapihwa kwemakore 50 akapfuura, okubhadhara zvikwereti zvemusangano, nemurango pairi, munoonaa, madhora 355,000.

²³ Ndakati, “Chingondipfurai henyu.” Ko ndingazombozviitawo sei? Ndakati, “Handitorina kana nemasenzi anodarika 55.” Ndakati, “Ko ndaizombozviitawo sei?” Uye vakaramba vakandisona kwemakore 5.

²⁴ Saka, evanhu vaipa mari. Sekuti, tiri kuita musangano, uye—uye vanhu, vanongoziva kuti zita rangu ndiWilliam Branham, vanongonyora cheki yemari inoshandiswa. Vashumiri vanoona pamusoro penyaya yacho. Handina kumbobvira ndakatora mupiro muhupenyu hwangu. Uye saka vanowana... Ndinowana mu—muhoro kubva kuchechi yangu, madhora 100 pasvondo.

²⁵ Uye mupiro uyu . . . Asi munhu wese, munoona, iyo yavanoisa imomo . . . Uye mangwanani aizotevera, uyo—uyo—uyo—uyo aive mukuru wedare rezvemari, aiuya zvino oti, “Hama Branham, munofanira kusaina macheki aya.” Zvino, handiti, ndaingoasaina. Aingoaisamo. Zvino vakabva vaaongorora ose, uye hapana kana sendi rimwe rakamboshandisirwa inini. Asi pandakasaina cheki iyoyo, vakati yaive yangu. Vanhu vakandipa, ndokubva ndazoipa kuchechi. Oo, ini zvangu!

²⁶ Ndakakanganisika zvikuru, pakutanga, ipapo ndakazoona kuti munhu wese ari muBhaibheri, ndinotenda kudaro, akambopinda muhofisi yemweya achiitira Mwari, ane paakambobatwa nehurstumende. Zvitarisei kumashure uye mugooona. Ndizvozvo. Mosesi, Dhanieri, Johane Mubhabhatidzi. Jesu Kristu akafa kubudikidza neruoko rwehurstumende, pasi pechirango cherufu. Petro, Jakobho, Johane, Johane muzaruri, vose, wese . . . Vose vakatambudzwa.

²⁷ Sei? Chigaro chaSatani. Munozviziva here izvozvo? Munoziva here, Satani akatora Jesu kumusoro ndokuMuratidza humambo hwose, pasi rose, munguva pfupi? Zvino akati, “Ndehwangu. Ndinoita nahwo chero zvandinoda. Maona? Uye ndinohupa kwaUri kana Ukawira pasi wondinamata.” Saka munoona kuti ndehwaani? Tinovenga kufunga izvozvo pamusoro pehwedu, asi ndizvo.

²⁸ Saka Akati, Jesu akati, “Ibva pano iwe, Satani.” Aiziva kuti Aizova mugari wenhaka yahwo, muMireniyamu. Vaiziva kuti hwaizova hwaKe kana . . . Apo, dai nyika idzi dzaitongwa naMwari, tingadai tiri Mireniyamu. Asi pachava nenguva yacho.

²⁹ Vane maU.N. nemaLeague of Nations, nezvose, kuedza kuunza runyararo. Asi chero bedzi Satani ari pamusoro pazvo, nezvematongerwo enyika, chii chichaitika? Vacharwa zvechokwadi chaizvoizvo.

³⁰ Asi pachauya nguva apo zvombo zvese zvichange zvarongedzwa. Uye zvinomisa zvicharira, uye mangwanani oyedza zvemuna Ziyendanakuenda, rinopenya uye rakajeka. Mambo wedu achatora chigaro chaKe chehumambo. Oo! Kuchava nekuimba; kuchava nekudanidzira. Uye pachava nemureza mumwe chete, vanhu vamwe chete, nyika imwe chete, vachitaura mutauro mumwe chete, weKudenga. Ameni. Ndinoshuvira nguva iyoyo. Uye ndiri kushingaira ndakananga kuchiratidzo ichocco, ndichivimba kuna Mwari, rimwe zuva kana zvaperu, ndinogona kuti . . . Ndinogona kuVanzwa vachiti kwandiri, “Kwira kumusoro.”

³¹ Ndiri muno muPhoenix manheru ano muZita raShe. Handinga—ndingaediti kutsanangura zvakaitika. Vazhinji venyu vanhu vanotora matepi, ivai nechokwadi chekuwana iyoyo, *Ingvai, Changamire?* Ndeapo ndisati ndabva kumba. Chiratidzo chakanditumira kuno; ndicho, handizivi kuti chii . . .

Handizivi... Handisi mutengesi wematepi, uye handisimbise pazvinhu izvozvo. Tinoawana, zvino tine bhizimu rematepi repasi rose. Kure-kure kunopinda mumasango nekwese, vane chimwe chinhu chidiki chavanoisa munzeve, chavanacho, uye vogona kuchiisa mutepi, zvino vomira ipapo vozvidudzira chaizvo mumutauro wacho. Zvino inotenderera pasi rese.

³² Uye, asi imwe yandakava nayo, yokuti *Inguvaiko, Changamire?* Kana kuti, *Ndiyo Nguva Yacho Here, Changamire?* Vamwe... Ini... Mugovera manheru, mavhiki 3 apfuura, kuchechi. Mushure mehupenyu hwangu hwese hwekuona zviratidzo, handina kumbobvira ndave nechinhu chakadai kumashure, muhupenyu hwangu. Uye handizivi kuti chii. Ndingori kuno, asi Vakandituma kuno. Handizivi zvazvinoreva. Ndinongo... Ndingori kuno hangu.

³³ Uye ndinofanira kutendeka nekuperera, uye ndiyo nzira chete yatingazosvika chero kupi zvako naMwari, kuperera. Nokuti, vanhu vachaziva. Mwari vanoziva, pamavambo, kuti hauna, kuti wakaperera here kana kuti kwete. Zvino vanhu vachaziva. Nokuti, imwe nguva, paiva nomumwe murume aiedza kuporofita. Uye Mwari vakaudza... Kana kuti, muporofita chaiye akamuudza, akati, "Ngatirangarirei. Kwakambove nevaporofita kumashure kwedu. Muporofita anozivikanwa chete kana chiporofita chake chaitika." Saka ngativei nechokwadi chokuziva kuti Mwari vakataura kudaro, tisati tataura chero chii zvacho pamusoro pazvo. Iva wakatendeseka uye wakaperera.

³⁴ Zvino ngatikotamisei misoro yedu kwechinguvana kuti tinamate. Zvino ngatiisei parutivi chinetscho chose zvino, kwemaminetsi mashoma anotevera. Handisi kuziva... Muboka duku iri rakanaka revanhu pano manheru ano, ndinoziva kuti pane matombo anokosha agere pano ayo Jesu achauya kuzotora rimwe zuva, achamuka kubva muguruva.

³⁵ Uye panogona kunge paine vamwe pano vasiri kunyatsova nechokwadi chekuti vachange variko, kana kuti kwete. Unogona kunge uine chishuwo chezvimwe zvinhu. Kana pane chinodiwa muhupenyu hwako manheru ano, chizivise kuna Mwari, uchingosimudza ruoko rwako, uchingoti, "Mwari, Munoziva zvandiri kureva zvino. Uye ndiropafadzei. Ndi—ndiri kurwara. Ndinoda kupodzwa. Nda—ndakarasika. Ndinoda kudzoka kuruwadzano. Ndi—ndinoda kudzoka. Nda—ndakakanganisa. Ndiri kudzoka. Ndinoda kuti Mundibatsire, manheru ano, kuti ndidzoke." Mwari vakuropafadzei.

³⁶ Baba voKudenga, zvino patave kuswedera pachigaro cheNyu chehumambo, nenzira yeRopa, nokuti, uye Aroni akapinda mukati pamberi pechi—chigaro chetsitsi, akatora, kutanga, ropa muruoko rwake, ndokuenda mberi, zvino isu, nokutenda manheru ano, tinogamuchira Ropa ralshe Jesu, uye tofamba takananga kuchigaro chehumambo chaMwari, nehushingi,

tichiziva kuti tine kodzero yokuuya, kwete mukururama kwedu isu, asi mune kwaVo. Ropa rinomiririra kucheneswa kwedu. Uye ndinonamata, Baba voKudenga, kuti Mugotipa chikumbiro chedu.

³⁷ Chokutanga, tinoKukumbirai kuti mutinzwirewo tsitsi, mugotiregererawo kudarika kwedu kwose, tichireurura kukanganisa kwedu, nezvikanganiso zvedu zviduku, nezvivi zvedu zvakavanzika, nezvivi zvedu zvisingazivikanwe. Uye tinoreururawo zvakare sevashumiri, tiri vaprisita, zvivi zvevanhu. Pamwe chete, Ishe, tinomira. Tinoda vanhu. Tinonzwa saMosesi paakazviwisira pamukaha, kuti abate vanhu, pakutsamwa kwaMwari. Kwaiva kuratidzwa kwakadini, kwekururama kwaKristu, apo Kristu akaZviwisira mumukaha, kuti aponese vanhu!

³⁸ Uye, Baba, isu sevaranda vaKe, neMweya waKe uri matiri, Mukristu wose ari muno manheru ano, azvibate pamberi pomutadzi: "Mwari, vanzwireiwo tsitsi." Tinochema nokuda kwevanorwara nevanoshaya, nokuda kwemaoko anokosha iwayo, vamwe vacho vakwegura, uye vamwe vechidiki, uye vamwe vezera repakati, vakasimudza maoko avo. Munoziva zvoze pamusoro pazvo, Ishe. Tinonamata kuti Mupindure maererano nehupfumi hweNyу huri mukubwinya.

³⁹ Dai pakava nevakawanda manheru ano, Ishe, vachabva pano, vauya muno, vari kurwara, dai vaenda, vaita zvakanaka, vapodzwa. Chingori chimwe chinhu chaitika, chavasingatombogoni kuchitsanangura, asi vachiziva kuti vaporा.

⁴⁰ Dai avo vakatsauka vaenda varuramiswa, Ishe, vachiziva kuti vadzoka vakatora Kristu pavakaMusiya ari. Regai vaende, vanogadzirisa. Itai, Ishe, kuti avo vasina kumbouya vawane rusununguko rwakakosha irworwo rwekuva wakasununguka, wabuditswa muchizarira, vasisina zvachose kusungwa nezvinhu zvenyika uye nezvinetswa zvehupenyu huno, asi vasunungurwa muna Kristu. Zviitei, Baba.

⁴¹ Ropafadzai zvoze zvatinoshuvira zvino, uye ropafadzai Shoko reNyу nemuranda weNyу, uye tichaKupai rumbidzo. MuZita rajesu tinozvikumbira. Ameni.

⁴² Zvino, kana tikaverenga mashoko eGwaro, kana Gwaro kuti tiwane chidzidzo, waro, VaKorinde Vokutanga chitsauko 14, ndima 8, inoverengwa sezvizvi, muna VaKorinde Vokutanga 14:8.

*Nokuti kana hwamanda ichipa ruzha
rwusinganzwisisike, ndianiko angazvigadzira
kundorwa?*

⁴³ Ichi chingave chidzidzo chakakwana chatingave tichiparidza kwemavhiki 2 kubva zvino nezvacho, uye tisingambofi takabata kumucheto kwacho. Pane chimwe chinhu

chiri pamusoro peShoko chakafemerwa. Unoramba wakagara uri pachidzidzo chimwe chete ichocho. Unogona kubatanidza Bhaibheri rose nacho. Ichokwadi.

⁴⁴ Rimwe zuva mumwe muchinda akandibvunza, akati, “Ko ungatora sei musoro wenyaya mumwe chete?”

Ndikati, “Oo, ini zvangu! Unotora chidzidzo chechero chinhu chipi zvacho kubva pauri.”

⁴⁵ Ndakanhonga kamwe kaclover kane mashizha 3 kaive pasi, ndokukasimudza. Murume wacho akagara pano manheru ano, anobva kuTucson. Zvino takanga tiri uko kuPasadena, California. Ini ndikati, “Ndinogona kutora kaclover aka kane mashizha 3 ndoparidza kwemakore 25 nezvako: kuti ihwo hupenyu hwakaita sei, huri makari; kuti, mashizha 3, ari tiriniti muHumwe. Uye, oo, oo, panongove nezvinhu zvakawanda kwazvo zvatingataura pamusoro paro.”

⁴⁶ Uye ko Gwaro? IShoko raMwari. NderaZiyendanakuenda. Ra—rakanga rine... Rakanga risina magumo. Zvinongoramba zvichienderera mberi, zvichienderera mberi, zvichienderera mberi. Hutiziro kwatiri.

⁴⁷ Uye zvino manheru ano ndinoda kutaura pamusoro peizvi: *Hwamanda Inopa Ruzha Rusinganzwisisike*.

⁴⁸ Mukufunga nezvazvo, nguva shoma yapfuura, pandanga ndichifunga pamusoro pe...nyaya iya yemutero wemuhoro, ndafunga, “Hapana kana chinhu nhasi chaungava nechokwadi pachiri. Zvinhu zvese zvine kakusava nechokwadi pazviri.” Uye chero chinhu chisina chokwadi hachigoni kuvimbwa nacho. Chinhu chipi nechipi chisina chokwadi hachigoni kuvimbwa nacho. Imi garira kure nacho kana chisingavimbike.

⁴⁹ Kana uine bhizimu; uye, izvo, tine vanamuzvinabhizimu vari pano, zvichida vazhinji vavo. Kana uri kuita bhizimu rausina chokwadi naro, hausi kuzoisa mari yakawanda mariri, nokuti pu—purofiti yacho haina chokwadi, uye haungaise mari yakawandisa mariri. Kana, kana uri muzvinabhizimu akanaka, ane hungwaru, unomirira uye wotsvagurudza, kana uine mari yekuisa mubhizimu, kusvikira wawana chimwe chinhu chaune chokwadi nacho, chimwe chinhu chinovimbika, chimwe chinhu chaunogona kuvimba nacho. Nekuti, haudi kurasiskiria nemari shoma iyoyo yawakachengeta, nekuti naiyoyo unofanira kuita raramo yako, kubva kune mumuhoro unobva—unobva papurofiti inobuda kubva mubhizimu iri. Handiti, unofanira ku—kuwana chimwe chinhu chaunorarama nacho.

⁵⁰ Uye nemari shoma iyi yawakachengeta, usaiise muhomwe yako uye woisiya imomo, nokuti mbavha dzichaiba. Maona? Rega, usadaro. Kana uinayo, ii se mune chimwe chinhu. Zvino unoda kuva nechokwadi chemazzirokwazvo epawaisa mari yako. Kana usina, manjeka, usaiise, zvachose.

⁵¹ Saka, bhizimu zvirokwazvo riri pachinhano chiru kuzunguzika manheru ano. Bhizimu ripi zvaro, potse-potse, pasi rose, riri muchinhano chekuzunguzika, nekuti nyika iri muchinhano chekuzunguzika. Hautongogone kuzvibvumira pachako...

⁵² "Zvino, ndichachengetedza mari *yakawanda kudai*, kuti ndizvivakire musha wakanaka, muduku pane imwe nzvimbo." Izvozvo, hazvivimbike, ndinokuudza kuti ndizvo, nekuti hurumende inogona kuitora yose, nehusiku humwe.

⁵³ Oo, zvinhu zvakawodza kwazvo gutsaruzhinji redu, kusvikira rave kungonyatsozunguzika! Taisimbogona kuisa chivimbo chikuru mugutsaruzhinji redu. Uye, ranova, randinofunga kuti ndiro mhando yakanakisa yehurumende. Asi, zvakadaro, gutsaruzhinji redu riri kuzunguzika. Nokuti, isu, nyika ino, vanhu vedu, tine bumbiro remitemo yenyika, uye bumbiro iri ndiro—ndiro mhedziso yedu. Asi, zvakadaro, mune izvozvo, bumbiro redu riri kuzunguzika, nekuti rakatotyorwa nguva zhini. Vamushakabvu Roosevelt vakaita mhirizhonga naro. Saka, munona, munona kuti rinogona kutyorwa. Hapana chivimbo chakawanda chaunogona kuisa mariri.

⁵⁴ Zvematongerwo yenyika, oo, ini zvangu, zviri kuzunguzika kwazvo! Vanhu vanongokakavara, nekukakavara, nekukakavara, nezvematongerwo yenyika. Uye vavakidzani vanotopesana, napamusoro pazvo, uye vanhu vaisimbove shamwari dzakanaka. Mumwe mutungamiriri wenyika achasimuka, kana mumwe munhu kuti akwikwidze kuva mukuru wemapurisa, kana chimwe chinhu, uye mumwewo muchinda kune rumwe rutivi rwezvematongerwo yenyika, zvino vanozopopotedzana kusvikira vapesana nokuda kwazvo, zvematongerwo yenyika. Zvino handi...ndinovimba kuti handirwadzise manzwiro echeru munhu, asi ndinofunga kuti chinhu chacho chose chakaora. Maona? Hongu, changamire. Saka sei muchikakavadzana uye muchipesana pamusoro pechimwe chinhu chisina zvachakanakira zvisinei? Ndizvozvo. Zvakatongoipa zvakanyanya.

⁵⁵ Mumwe munhu akati kwandiri rimwe zuva, akati, "Mu—muri kuzovhota here pasarudzo ino?"

Ndakati, "Ndakatovhota kare."

Akati, "Oo, musarudzo ino?"

⁵⁶ Ndikati, "Ndakavhotera Jesu." Ndakati, "Ndichakuudzai. Paiva nevanhu 2 vaindivhotera." Ndikati, "Mwari vakandivhotera, uye dhiyabhore akavhota achindipikisa. Zvino ndakavhotera Mwari, saka ndinoisa vhoti yangu chaipo." Zvinoenderana nekuti wawhotera papi, kuti uchazovei.

⁵⁷ Saka, cherechedzai, nguva pfupi yakapfuura, kukuratidzai kanzvimbo kadiki chete, tobva tazvisiya. Musarudzo iyi yekupedzisira yemutungamiri wenyika, pazvakanyatsoratidzwa

muChicago nenzvimbo dzakasiyana, kuti michina yavakavhota nayo, iyoyo, yakarongwa neDemocratic party, kuti pese pawaihotera VaNixon, waizovhotera VaKennedy, nguva imwe cheteyo. Saka, iwe hauna mukana. Ndokuzviratidza!

⁵⁸ Uye makanzwa *Monitor* humwe husiku, pavakaita o—ongororo munyika yose, kubva kuMississippi, kumabvazuva. VaNixon vakanga vahwina mavhoti eparunhare, vaine 4 mumwe aine 1. Ko munhu angakunda sei? Kana dai vanga vari VaKennedy, zvingadai zvakangofanana. Ini handina kana bato.

⁵⁹ Bato rangu riri Kudenga, uye nditori pamwe navo pano manheru ano. Takagara munzvimbo dzeKumatenga, tichitaura nezvaMambo wedu.

⁶⁰ Asi, munoona, ndiri kuedza kukutaurirai, zvinhu izvi zvepanyika zviri kuzunguzika. Hapana...haugoni kuisa chivimbo mazviri. Hazvivimbike nazvo. Uye chero chinhu chisina chokwadi, ndingasva hangu ndagarira kure nacho. Handifarire chinhu ichocco chakashata. Handifarire kubatanidzwia mudivi rakashata. Ndinozvifarira zvakanaka, kuva kudivi rakanaka.

⁶¹ Zvino, hupenyu hwepamba hwasvika pakusava hunovimbika. Munoziva, ndakaona imwe nyaya rimwe zuva, mune rimwe remamagazini kune imwe nzvimbo, kuti chiero chokurambana chemuAmerica chakakwirira kudarika chero nyika iri pasi rose. Uye tinofanira kunge tiri rudzi rwunonamata. Hongu, zvingave izvozvo, chinamato, zvakanaka, asi haisi mhando kwayo. Maona? Chinamato chingori chifukidzo chete. Hazvina achaziva kuti takagadzira chifukidzo chedu nei. Adhamu akaedza kugadzira zvime kubva pamashizha emuonde, zvino hazvina kushanda. Zvakabva zvashaya maturo zvachose paaifanira kubuda kuti asangane naMwari. Saka chinamato hachigadzirise nyaya yacho zvachose. Asi ungafunga here kuti chiero chedu chekurambana, chakakwirira kupfuura—kupfuura dzimwe nyika dzose, chiero chedu chokurambana? Tinowana hunzenza huchibata mudzimba dzedu.

⁶² Zvaishamisa kuzviziva, kuti, chikamu chikuru paongororo yenyika, uye nemu...Ndinotenda kuti maive muOhio, umo makaitwa ongororo yeChikristu, uye zvaikatyamadza zvaive chikamu chaisatomboenda kuchechi. Uyezve, vangangosvika 80 kubva 100 veavo vaienda kuchechi, vaisaziva chavaiendera. Havazivi kuti sei vachienda. Vanongoenda kuchechi.

“Unoenderei?”

⁶³ “Zvinoka, amai vaititora tichiri vaduku, saka tinongoramba tichienda” Uye—uezve, zvino, chimwezve chikamu chavo, chakati chaingoendera, oo, kunosangana nevavakidzani vavo nekutura kwechinguva. Maona?

⁶⁴ Handiti, zvinokatyamadza! Ndosaka hupenyu hwepamba hwaparara, munoona, chero hupenyu hwepamba hauna kugadzikana.

⁶⁵ Mudzimai upi zvake acharoorwa nomurume, uye asina chokwadi nomurume iyeye, zviri nani asiyane naye. Uye murume upi zvake acharoora mudzimai, uye asina chokwadi, zviri nani usiyane naye. Ungasva wanyatsonamata, nevvazvo, kusvikira Mwari vakupa mhinduro yacho. Uye zvakare chinobatanidzwa naMwari ngakurege kuva nemunhu unoparadzanisa. Asi isu—isu, chokutanga, tinofanira kunyatsonamata, nevvazvo. Hongu.

⁶⁶ Zvino, tinoona kuti takaedza kutendeutsa nyika nechirongwa chedzidzo, uye takazvivhiringidza chaizvo, zvechokwadi chaizvo. Haugone kutendeutsira nyika kuna Kristu kuburikidza nedzidzo. Dzidzo inomubvisa pana Mwari, kupfuura kumuunza kuna Mwari, nekuti anoedza kufunga kuti akangwara uye anoziva kupfuura mumwe munhu. Nekunaka kwakaita dzidzo, Kristu haana kumbobvira atuma chechi yaKe kudzidzisa nyika. Haana kumbobvira avadzidzisa, kuita maseminari. Haana kumbobvira adzidzi—...Oo, akanaka. Haana kumbovaudza kuti vaende kunovaka zvipatara. Zvakanaka hazvo.

⁶⁷ Asi basa reChechi ndere kuparidza Vhangeri. “Endai munyika yose, paridzai Evhangeri kuzvisikwa zvose.” Maona? Asi chipi zvacho chakasiyana nazvo, chinozunguzika, nokuti chiri kunze kwehurongwa hwaMwari.

⁶⁸ Hupenyu hwenyika hauvimbike nahwo. Zvinoka, nyika haivimbike nayo. Tiri kungogara munzvimbo iyo pasi rose rakabatwa nekuhuta-huta, sekudaro, kuzunguzika kwese. Nyika yoga-yoga, munhu wose, mumwe ari kutya mumwe. Vanotaura nezverugare.

⁶⁹ Vakambova, neimwe nguva, vakati, “Oo, patakarwa muHondo Yepasi Rose Yekutanga zvayo, kuti vakomana vedu vose vanofanira kuenda ikoko, zvino zvichazopedza hondo.” Handiti, apo chiutsi chezvombo chisati chatombopeperetswa kubva mumhepo ivo vakanga vatopinda mune imwe hondo.

⁷⁰ Zvino vakabva vava neLeague of Nations, zvino ndiyo yanga iri kuzochengetedza nyika, uye ikashaya basa. Zvino vane U.N., uye inongori zvime chetezvo. Yakatoparara zvayo. Hapana zviripo kwairi.

⁷¹ Zvinhu zvose zviri kuzunguzika; hupenyu hwenyika, hupenyu hwezvematorgerwo enyika, michina yekuhwota. Oo, ini zvangu! Zvakango...Chinhu chacho chose chakazunguzwa, zvose hazvo.

⁷² Zvino ndinoda kuzviunza pedyo zvishoma nekumba. Maona? Hupenyu hwekuchechi hwakazunguzwa uye hauchina chokwadi. Zvino, ndizvo zvaitaurwa naPauro. Maona? Ndipo paaireva kuti, “Kana hwamanda ikapa ruzha

rwusinganzwisisiki.” Hupenyu hwekuchechi hwakazunguzwa. Vanhu havachatozivi zvachose zvokuita. Vanoenda, vachimbeya vachibva pachechi vachienda kune imwe chechi, vachiedza kutsvaga kuti ndeipi ine chinhu chaicho; vachikwira nekudzika, vachiedza kutsvaga chinova chechokwadi, kune dzidziso yechokwadi. Zvino mumwe anouyapo, uye ogona kuzvitsanangura, kupotsa asvika padanho chairo rechitendwa chavo, kuti ndizvozvo. Uye zvakare, chinhu chekutanga unoziwa, vanowana huwori hwakawanda mazviri, kusvikira vaedza imwe chechi, kuti vaone kuti chitendwa chavo chii, dzidziso. Oo, zvese izvi, tinoona kuti takazvipatsanura pachedu zvino, nezvinhu izvi, kuve mazana ezvirongwa zvakasiyana-siyana zvechechi. Zvino, hapana chandinopesana nazvo. Ndizvo zvekungoti vanogona kuita zvimwe zvinhu, zvino, zvanongoita-ita, uye panofanira kuva nechakanaka chinobuda mazviri, pane imwe nzvimbo.

⁷³ Asi, munoono, haugone kuisa chivimbo chako mukuti, “Ndiri wemubatanidzwa wemachechi eMethodisti, uye zvandi—ndiri zvakaringana nekuti ndiri weko.” “Ndi—ndiri—ndiri webato reBaptisti, uye zvandiri zvakaringana.” Haugone kuita izvozvo.

⁷⁴ Haugone kutozviita kunyangwe uchiti uri “wemubatanidzwa wemachechi ePentekosti.” Haugone kuita izvozvo. Haufanirwe kuita izvozvo, nekuti hazvisi. Tinoona kuti apo sangano redu rekutanga rePentekosti, General Council, parakaiswa muhurongwa, hazvina kutora nguva refu kusvikira vatanga kubva *apo*, uye vobva *apa*, nenyaya, nedzidziso. Uye zvino chingozvitarisai, kwese-kwese. Maona? Zvinoratidza kuti hazvivimbike nazvo. Avo vanovimba nesangano chete, iro—iro harivimbike naro.

⁷⁵ Zvino, ungati, “Hama Branham, muri kutiisa pakaomarara apa. Muri kupenda mufananidzo wakasviba unotyisa chaiwo.” Uye ndizvo zvandanga ndichida kuita. Ndanga ndichida kuzviita.

⁷⁶ Ndazviita nechinangwa, kuti nditaure izvi. Pane here chinhu chiri chechokwadi? Hongu. Pane chinhu 1 chiri chechokwadi. Oo, ndinofara kwazvo nazvo, kuti pane chinhu 1 chaunogona kuisa chivimbo chako machiri, uye ugove nechokwadi chekuti ndeche chokwadi. Oo, kana zvimwe zvese zvaenda, *Ichi* chichange chakamira. Kana ukaverenga Mutsvene Mateo 24:35, Akati, “Matenga nenyika zvichapfuura, asi Shoko raNgu harikundikani.” Mwari vane imwe hwaro.

⁷⁷ Mumwe mutana, akati neimwe nguva, mutana wechitema zasi kuMaodzanyemba. Aitakura Bhaibheri, uye akanga asingagoni kuverenga. Zvino vakati, “Uri kuritakurireiko, nhai Sam?”

⁷⁸ Akati, “I—iBhaibheri Dzvene.” Akati, “Zvakanyorwa paRiri.” Zvino ndokuti, “NdinoRitenda, kubva kukivha kusvika kukivha, uye ndinotenda kivha yacho zvakare,” akati, “nekuti rakanyorwa kuti ‘Bhaibheri Dzvene’ pairi.”

⁷⁹ Zvino muchinda aitaura naye, akati, “Hautendi zvese zviri maRiri?”

Akati, “Hongu, changamire. Zvechokwadi ndinotenda.”

⁸⁰ Akati, “Zvino, saka, unoreva here kuti ungaita chero chipi zvacho chakanzi neBhaibheri uite?”

Akati, “Hongu, changamire.”

⁸¹ Akati, “Ko kana dai Bhaibheri iroro rakataura kuti Sam ngaasvetuke nepamudhuri *uyo* wematombo apo? Waizoita sei?”

Akati, “Ndaisvetuka.”

⁸² Akati, “Zvakanaka, zvino, uchapfuura sei nemumudhuri wematombo pasina buri riripo?”

⁸³ Akati, “Kana Bhaibheri rakataura kuti Sam asvetuke, paizova neburu ipapo kana Sam asvikapo.” Saka, izvozvo, tingati ndizvo chaizvo. Paizova neburu ipapo.

⁸⁴ Chinhu choga chaunofanira kuita kumira uri paShoko raMwari, uye Mwari vachagadzira nzira yezvimwe zvacho zvese. Oo, Nheyo huru iyoyo!

⁸⁵ Ndinotenda Akati, umo muna Ruka, ndinotenda kuti yaiva, apo pakuburuka vachibva mugomo, Akati kuvadzidzi, “Vanhu vanoti iNi Mwanakomana wemunhu ndini ani?”

Zvino mumwe akati, “‘Jeremia,’ ne ‘vaporofita,’ nevamwe vakadaro.”

Zvino Akati, “Asi imi munoti ndiNi ani?”

⁸⁶ Ndipo apo Petro akataura chirevo chiya chakatsaurwa, “Ndimi Kristu, Mwanakomana waMwari mupenyu.”

⁸⁷ Akati, “Wakaropafadzwa iwe, Simoni, mwanakomana waJonasi, nekuti nyama neropa hazvina kukuzarurira izvi. Asi Baba vaNgu vari Kudenga vakazarura izvi kwauri. Uye padombo iri Ndichavaka Chechi yaNgu, uye masuwo egehena haangaIkunde.”

⁸⁸ Chii zvino? Pamusoro pezvokwadi yakazarurwa yeShoko raMwari. Nokuti, “Pakutanga Shoko rakanga riripo, uye Shoko rakanga riri kuna Mwari, uye Shoko rakanga riri Mwari. Zvino Shoko rakaitwa nyama rikagara pakati.” Uye zvakazarurwa kuna Petro kuti rakanga riri Shoko raMwari rakasimbisa. Ameni.

⁸⁹ Ndicho chikonzero Aikwanisa kuti, “Ndiani angaNdipomera mhosva yechivi? Ndiani angaNdipomera mhosva? Zvose zvakanyorwa neShoko pamusoro paNgu, Ndakazviita.” Mwari vakanga vazvisimbisa, kuti Aiva Shoko. Oo, ndizvozvo. Mwari

vakaratidza, Shoko rinotaura kudaro, uye zvadaro Mwari vanozviita mazvirokawazvo, voita kuti zviitike, vozviratidza.

⁹⁰ Makore akapfuura, pavakati kuchechi, "Hakuna chinhu chakadaro serubhabhatidzo rweMweya Mutsvene, anongori manyawi ekuti vanhu vakazvipinza maari nemanyawi," asi avo vakaUgamuchira, vaiziva kuti chaiva chokwadi. Vaiziva kuti Mwari vaive vemazvirokawazvo. Uye zvakaratidzwa, kusvikira, nhasi, kufamba kwaMwari kwePentekosti kumarudzi ose, kwakaunza vakawanda muna Kristu kupinda zvakaitwa nevamwe vose.

⁹¹ *Our Sunday Visitor*, kasiri kare, bepa reKatorike, rakati, ndinotenda raive gore riri kuseri kwerakapfuura, kana kuti gore rakapfuura, rimwe racho, kuti, "Chechi yeKatorike yakangonyoresa vakatendeuka vanosvika hafu yemiriyoni. Apo, vePentekosti vakanyoresa 1,500,000." Ameni.

⁹² Chii ichocco? Chinhu chiri kukura, Shoko raMwari, richipararira kwese. Tinofanira kuva vanotenda kwazvo! Zvakawanda kwazvo, kusvikira, kunyange zvino maEpiscopaliani, maPresbyteriani, maLutherani, navose, vari kuuya kuzowana chikamu chaWo. Munona mumusangano weBusiness Men, unovanzwa vachitaura nezvezamwe vakasiyana-siyana: maEpiscopaliani, maLutherani, maPresbyteriani. Handiti, hauchanyanyonzwa nezvemuPentekosti ari kuita chero chinhu zvachose. Ndizvozvo. Ndevamwe vose. Nemhaka yei? Vakaona hutera hwavo hwezvitendwa zvavo, uye vakadzokera kuShoko. Ipapo unowana nhoyo, chimwe chinhu chisingagoni kuzungunutswa.

⁹³ Unowana imomo, Mweya Mutsvene uchirarama Hupenyu waWo muvanhu, Uchizviratidza kunyika. Uye zvinoita kuti vanhu vave nenyota yaWo: isingazununguki, isingarambiki, Shoko raMwari richiratidza uye Uchizviratidza, Shoko pachaRo richiraramwa kuburikidza nemuhupenyu hwevanhu. Chinhu chakaisvonaka zvakadini! Hapana chinhu chisina chokwadi pamusoro pazvo. Unogona kuona apo Mwari vakaita vimbiso, uye hepanoi ichiratidza. Mazana emakore akapfuura vaporofita vakataura nezvazvo, uye pano tinozviona zvichiitika.

⁹⁴ Richipfuura nemukutsoropodzwa kwese, richipfuura nemukupikiswa kwese, richipfuura nemuzvitendwa zvese, kuti vakaedza sei kuparadza Shoko raMwari iroro! Vakaedza sei kutsivanisa nedzidzo. Vakaedza kutsivanisa, kuita sangano. Vakatozvivhiringidza pachavo. Uye kubva pazviri zvose, Shoko raMwari rinoramba rakamira rakajeka uye richipenya sezvaragara rakaita. Chii ichocco? Ndicho chinhu chiya chine chokwadi. Mwari vakati, "Zvose matenga nenyika zvichapfuura, asi Shoko raNgu harikundikani." Zvino, ndechimwe chinhu chinova chechokwadi. Kana uchida kuwana pekubatirira, batisa Shoko iroro mumoyo mako.

⁹⁵ Dhavhidhi akati akaRivanza mumoyo make, kuti arege kutadza. Akanyora mirairo yaKe pambiru yemubhedha, ndokuisungirira pamaoko ake nekwese-kwese, akaisa Shoko raKe pamberi pake nguva dzose. Ndiyo nzira yacho. Isa pfungwa dzako nguva dzose... .

⁹⁶ Mwari vakaudza Joshua, “Usatsaukira kurudyi kana kuruboshwe, uchibva paRiri. Zvino uchaita kuti nzira dzako dzigobudirira. Zvino uchava nebudiriro yakanaka.”

⁹⁷ Uye kana chechi yazvibatanidza pamwe chete yose ichibva pazvitendwa zvayo, uye yova paShoko raMwari, zvino chechi ichava nebudiriro yakanaka. Ndicho chichave chinhu chichaparadza communism.

⁹⁸ Chii chakagadzira communism...? Chinhu chaicho, unofunga “communism,” apo ivo vachiparadzira mashoko avo enhema, uye vachiwedzera kuwanda kwazvo, nemamiriyoni, uye vanhu vachiitya: kuti communism ichapera uye yofa. Inofanira kudaro. Communism, vanogona kuita *ichi*. Vanogona kuita *icho*. Ndinotenda kuti Mwari vachaishandisa, asi, ndizvozvo, sezvaVakangoita Nebhukadhinezari. Vachabuditsa, ma—ma—ma...masawi ose, kunze, necommunism. Asi, iyo...Kwete, zvakanyanya nezvayo. Asi, tarirai. Asi chinhu ichocco, communism, ichava nemagumo. Communism ichasvika pamagumo ayo.

⁹⁹ Asi Shoko raMwari harina magumo, nokuti haRina kumbova namavambo. Ameni. NderaZiyendanakuenda naMwari. Uye kana uine pawakabatirira, uye Shoko rakabatirira mauri, uri waZiyendanakuenda pamwe neShoko. Ameni.

¹⁰⁰ Rinofanira kusvika kumagumo aro. Zvinhu zvose izvozvo zviri kuzunguzika. Hazvinei nekuti mbiru yakakura sei yavari kuvaka, inofanira kuwira pasi. Zvinhu zvose zvisiri, zvinopikisana neShoko iroro, kana zvinopesana naro, zvinotofanira kusuduruka. Zvinofanira kupa nzvimbo, nokuti Shoko riri kuuya nekukunda. Hapana chinogona kuRimisa. Mwari vakanatura kudaro.

¹⁰¹ PaVanoRitaura, matenga nenyika zvichapfuura, asi haRifi rakakundikana. Viga Shoko iroro mumwoyo mako, kuti unotora Shoko iroro sei woRirega richikura. Richengete mupfungwa dzako, nguva dzose, nokuti haRifi rakakundika. Shoko raMwari harizombokundiki, nokuti Vakati haRaizokundika. Saka tinoda kuzvichengeta ipapo.

¹⁰² Zvino, Pauro akati, muMagwaro, sekudzidza musoja, musoja kuziva ruzha. Zvino, musoja anofanira kudzidza ruzha rweyake...rwebhosvo kana kuti hwamanda. Haazive kana hwamanda ikatanga, kurira, kuti—kuti aende mberi here kana kuti kudzokera kumashure. Kana asingazivi mutsauko, imhandoi yemauto ane nyonga-nyonga aunenge uinawo?

Zvechokwadi muvengi aizokunda boka remasoja aive asina kudzidziswa zviri nani kupfuura izvozvo. Ameni.

¹⁰³ Ndiro dambudziko nemachechi edu nhasi. Tinovadzidzisa pazvitendwa, tichipesana mumwe nemumwe.

¹⁰⁴ Tinofanira kubatana. Tinofanira kuziva hwamanda. “Zvino hwamanda yacho ndeipi?” vanodaro. Hwamanda yeVhangeri, ndiYo yacho. Shoko raMwari mupenyu iHwamanda. Usasanganise chinhu naRo.

¹⁰⁵ Usave nemunhu anoridza rudimbwa rwechiFrench, uye mumwe wacho achiridza bhosvo. Hapana anoziva zvekuita. Zvinounza nyonganyonga.

¹⁰⁶ Zvino Pauro akanga achitaura nezvekudzidzisa munhu ruzha. Uye sezvingori ruzha irworwo, anoziva chaizvo zvekuita, nekuti anoridza bhosvo anopihwa rairo, uye kubva kumukuru wemauto. Zvino paanoridza hwamanda iyi, mauto anoziva panzvimbo chaipo peku—pekufambira mberi, nepekudzokera kumashure, uye kuti kutendeukira kurudyi here kana kuruboshwe, kana zvokuita, nekurira kwehwamanda.

¹⁰⁷ Zvino, mauto, hondo, kwagara kuine hondo. Hatina kumbojoinha Chechi, kana kuuya muChechi, kuti tiuye kupikiniki. Tinofanira kucherechedza kuti tiri kuuya kunzvimbo yehondo.

¹⁰⁸ Handina kumbouya kuti vanhu vandibhabhadzire kumusana vachiti, “Hama Branham, muri munhu akanaka kwazvo.” Kwete, changamire. Ndinouya ipapo ndakabata nhowo. Handidire nhovo izvozvo. Ndinouya nenguwani nenhumbi dzokurwa nadzo. Ndinouya kuzorwa, kurwira inji yese yenzvimbo.

¹⁰⁹ Mwari vakaudza Joshua, “Nzvimbo imwe neimwe inotsikwa netsoka dzenyu, Ndinokupai iyoyo.” Saka, matsimba etsoka aireva kuva muridzi wacho.

¹¹⁰ Zvino kana chechi yasvika panzvimbo, yainorerutsa nezvitendwa, nekurerutsa pachiyero cheShoko, uye yobvumirana nenyika, ndinoreva kudaro, zvino iri kudzokera kumashure. Iri kudududza.

¹¹¹ Chatinoda manheru ano masoja anotora vimbiso Tsvene yose yemuBhaibheri iri, iyo yakavimbiswa naMwari kuChechi, nhumbi dzose dzokurwa nadzo dzaMwari, uye nokumira. Ndizvo zvatinoda, masoja; kwete kuwana yunifomu yekuratidzira zvipfeko, zvagara zvakasiyana. Kana munhu...

¹¹² Chero nyika, tine vasori munyika dzose. Tine vasori vekuGermany kuno. Tine vasori vekuEngland kuno. Tine—tine vasori vari kuEngland. Vari kuedza kuitei? Vari kuedza kuona kuti imhandoi yezvinhu, imhandoi yebhomba, mumwe wacho raainaro. F.B.I. iri potse munyika dzose. Vari kutarisa, kuona. Ndiwo mararamiro avanoita. Vanotarisa voona kuti

imhandoi yebhomba rinogadzirwa nemumwe wacho. Vanobva vanouya kuno vorigadzira zviri nani zvishoma, kana kugadzira chimwe chinhu chekuridzivisa. Havavimbi mumwe nemumwe, mudzinyika, nokuti zvinoratidza kuti nyika dziri kuzunguzika. Handiti, England ingazotiputsa, muawa, kana tikavadenza, kana kuti tingazovaputitsa. Zvinongotorera mumwe munhu anova musoro wechinhu chacho ipapo, kuti ati dzvutei rimwe kana 2, akawandisa, kana kusawirirana nechimwe chinhu, rochibva ratupfunurwa.

¹¹³ Kuno kasiri kare, vaiti, chigadzirwa chidiki, “Chakagadzirwa muJapan,” munguva yehondo. Vaichirovera pasi, uye vofamba-famba, kuratidza kuvimbika kunyika. Uye zvino unotochitenga nemari yakawanda kupfuura chero chii zvacho chamunotenga munyika. Chii chakaitika? Zvakaripira here hupenyu hwevakomana vaya vakafira ikoko? Zvirokwazvo kwete.

¹¹⁴ Chii ichocco? Handina basa kuti munorwa zvakadii muzvinhu zvepanyama, muri kutoenda, hazvizorevi kana chinhu. Zvichazunguzika. Asi pane kurwa kumwe chete kwaunogona kupinda makuri wobva watora nzvimbo dzausingambofi wakatorerwa. Ndirwo ruzha rweEvhangeri rweHwamanda yeShoko raMwari, uye wotoru zvipo nevimbiso dzaAnopa kuChechi. Zvirokwazvo ndizvo. Zvino, tinoona—tinoona, ichipa ruzha urwu rwehwamanda.

¹¹⁵ Zvino, nyika yese inoedza kupa vakomana vayo zvombo zvekudzivirira zvakakanakisisa zvavanogona kuva nazvo. Zvino, ndinoziva, dzimwe nguva zvombo izvi hazvisi nyore kutakura.

¹¹⁶ Ndaive nehamu, “Rookie,” vamudaidza kudaro, anobuda kunze uku, zvino mauto vanomupa mutundu wemapaundi 90 kuti atakure pamusana wake. Uye wakatongoda kuenzana nehiremu hwake. Vanomupa foshoro, yekuchera gomba nayo; pfuti, nechitsamha chose chemagirinedhi. Uye, oo, handina kumboona mutundu wakadararo! Muchinda mudiki anonzwisa urombo aisatokwanisa kufamba. Zvino vakamuendesa zasi nenzira mufambo wemamaira 5. Wakada kumuuraya. Akati, “Matakanana aya ndeeiko? Chii chandinodira ngowani huru iyi yekare?” Zvino, tarirai. Vemauto vanoziva kuti achazozvida imwe nguva. “Chii chandinodira foshoro, kunze kuno pamugwagwa mukuru, ndichifamba?” Zviri nani utojairira kuishandisa. Unogona kuzoida.

¹¹⁷ Hurumende haisi kuzopa chero chii kunze kwekunge uchiziva... vanoziva kuti uchafanira kuzochishandisa. Unofanira kudzidzira kuitira izvozvo. Vanowana zvinhu zvakakanakisisa zvavanogona kuwana, zvekukudzivirira nazvo, nekuti vane hanya nenyika. Vane hanya nekuti iwe uchengetedzeke zvakanyanyisa zvaungava, kure nemabara. Zvagara zvakadaro.

¹¹⁸ Zvakatangira mubindu reEdheni. Zvino Mwari vanodzidzisa Chechi yaVo. Uye . . .

¹¹⁹ Munoziva, tinogara tichifanira kuwedzera kuva zviri nani. Zvino, ndege dzekare dzataisimboshandisa kare muHondo Yepasi Rose Yekutanga; Hondo Yepasi Rose Yechipiri, handiti, tundege itwotwo twekare twaive mumhepo twakabviswa, pavakaisa dziya ndege huru dzeptamusoro dzavaive nadzo. Handiti, hapana zvatwaive. Uye zvino, idzo dzavachangobva kushandisa muhondo yekupedzisira iyi, zvino dzave dzechinyakare. Havachadzida zvachose. Vava nemajeti. Uye, munona, unogara uchiedza kunatsiridza, kunatsiridza pachinhu chekudzivirira.

¹²⁰ Asi munozivei? Mwari havadi kuti vave vari nani. Mwari vakapa vana vaVo, masoja aVo, chinhu chakanakisisa chaicho chaikwanisa kupihwa. PaVakavapa, chii chaVakavapa? Vakavapa Shoko raVo mubindu reEdheni, uye munhu aifanira kuzvichenetedza seri kweShoko raMwari, zvino hakuna dhimoni rinogona kumutora. Gara muShoko.

¹²¹ Zvino, tsori yemuvengi, Satani, akaedza kuona kuti chii chaaigona kuita kuti apaze achipinda imomo. Saka iye—iye aiziva kuti haaitongogona kubuda uye omunyengedza, saka chinhu choga chaaigona kuita kwaiva kumuuta kuti ashandise pfungwa. Uye ndizvo zvinoshandiswa naMwari nhasi, kuchengetedza Chechi yaVo, iShoko raVo. Zvino Satani anouya nesimba rokushandisa pfungwa. Satani aiziva kuti ndipo paive nepekuverevedza napo. Ndiyo yaive nzvimbo iyo vanhu vaizowa zviri nyore, kwaive kushandisa pfungwa.

¹²² Unoti, “Zvino, regaka ndingokuonesa. Zvino zvine basa here?”

¹²³ Kana Mwari vakati zvaive zvine basa, zvine basa, kana tichifanira kuchema, uye nekubongomora, uye nokuita zvose izvi. Kana Mwari vakati rubhabhatidzo rweMweya Mutsvene rwakakosha, Handina basa nekuti Unorema sei, uye kuti zvakawanda zvakadii zvemunyika zvaunofanira kusiya, uchatozofanira kuUshandisa, rimwe ramazuva ano, kuti urambe uri mupenyu. Nzira yoga yekurarama nayo.

¹²⁴ “Zvino, tinofanira here kuita zveKupodza kwaMwari, kana tiine vanachiremba vakanakisa munyika?”

¹²⁵ Mwari vakakupa kupodza kwaMwari nokuti Vanoziva kuti unofanira kukushandisa. Vakakupa zvipo zveMweya.

¹²⁶ Zvino Satani paakangosvika pedyo naEvha, akatanga kumushandisira pfungwa. Zvino, “Zvirokwazvo, zvirokwazvo, Mwari havangaiti izvozvo.”

¹²⁷ Vanhu vanoti nhasi, “Hakuna chinhu chakadaro segehena.” Vazhinji vavo vanokuudza izvozvo. Maona? “Oo, zvirokwazvo Mwari havangapise vana vaVo.”

¹²⁸ Zvirokwazvo, haVapise vana vaVo. Asi dhiyabhore achadaro, vake. Uri mwana waani? Ndicho chinhu chinotevera. Gehena rakasikirwa dhiyabhore nevana vake, kwete vana vaMwari. Hapana kana mumwe wavo ari kuenda ikoko. Ndizvozvo. Zvinoenderana nekuti uri mwana waani.

¹²⁹ Zvino, Mwari vakapa Eva naAdhama Shoko raVo, uye haVasati vamboRishandura. Vagara vaine...Mukristu, kana mutendi, Chengetedzo yake iShoko.

¹³⁰ Matenga nenyika zvichapfuura. Chitendwa chese chichapfuura. Sangano rose richakundika. Nyika yose ichanyura. Asi Shoko raMwari richamira, Nokusingaperi. Pachava nenguva apo nyamatsatsi yamangwanani inenge isingachapenye zvachose. Pachave nenguva yekuti zuva harizopenye, uye mwedzi hauzopenye, uye nyika haizotendereri mugwara rayo.

¹³¹ Asi Shoko raMwari richaramba riri rimwe chetero nekusingaperi. Hongu. Ndechimwe chinhu chisingakwanisi kuzunguzwa, chimwe chinhu chaunogona kuvimba nacho. Ndechechokwadi. Mwari vakataura chero chinhu, chine chokwadi chokuti chichaitika.

¹³² Kana Vakati, mubindu reEdheni, pakuva neMudzakinuri, Vaizotumira Mesiya, uye zvamazvirokwazvo aizouya. Kunyangwe makore 4,000 vakamirira, asi Akasvikapo. Aifanira kuuya nokuti raiva Shoko raMwari rakavimbiswa.

¹³³ Mwari vakavimbisa kuMutumira zvakare. Achange ari panu. Handina basa kuti vangani vasingatendi nevatsoropodzi vanosimuka, chero zvavanoita, kuti communism inopararira zvakadii, Jesu Kristu achauya, otora Chechi yakagezwa neRopa, uye oItora ichikwira muchadenga ichipinda Kudenga. Sei? Zvichaitika zvemazvirokwazvo. Shoko raMwari rakataura kudaro.

¹³⁴ "Kana uchigona kutenda, zvinhu zvose zvinogoneka." Ndizvozvo. Mwari vakataura kudaro, uye hazvigoni kusuduruka, hazvigoni kuzungunutswa. Mwari vakataura kudaro, kana ukangogara nazvo (Zvino...) uye wotenda mazviri, zvitende.

¹³⁵ Harwusi ruzha rwusinganzwisisike. Mwari havagoni kupa ruzha rwusinganzwisisike. Zvitendwa zvinogona kupa ruzha rwusinganzwisisike. Masangano anogona kuparidza ruzha rwusinganzwisisike. Asi Mwari havagoni kutaura ruzha reusinganzwisisike. Zvino Shoko iri ndiMwari. Uye hakuna chisinganzwisisiki nezvaRo. Rose zvaro ndere chokwadi.

¹³⁶ Zvino, Chechi huru yakachengetedzwa neShoko. Zvino, Jesu paakauya, Akashandisa nhumbi dzokurwa nadzo dzimwe chete idzodzo here? Zvirokwazvo akadaro.

¹³⁷ Satani paakauya kwaAri, musimba rake rose, uye akati, “Kana uri Mwanakomana waMwari, ita zvinhu *zvakati, zvakati.*”

¹³⁸ Iye akati, “Zvakanyorwa zvichinzi . . .” Kudzokera chaiko kuShoko. Satani akaMuedza zviri pamusoro zvishoma. Asi, Jesu, adzokera paShoko chaipo, “Zvakanyorwa zvichinzi . . .”

¹³⁹ Ipapo Akagara, paShoko iroro, achiratidza kwatiri semuenzaniso. SezvaAkataura muna VaKorinde Vokutanga, kutanga . . . Mutsvene Johane 14:13, “Ndakupai muenzaniso.” Uye ndiwo muenzaniso, watinofanira zvakasimba, watinofanira zvakakwana kuisa chivimbo chedu muShoko raMwari. Zvimwe zvese ngazvive nhema. [Chibenga chisina chinhu patepi—Mupepeti]

¹⁴⁰ Ndicho chinhu choga chinovimbika nacho. Mwari vakaita vimbiso. Mwari vachachengeta vimbiso. Vanoti, “Chinhu *ichi* chingaitika sei? Vanogona sei kuunganidza boka revanhu pamwe chete, nenyasha dzeKubvutwa, kuti vaende kumusoro?” Handizivi kuti Vachazviita sei. Harisi basa rangu kubvunza kuti Vanozviita sei. Ibasa rangu kunge ndakazvigadzirira. Vakazvivimbisa. Zvichaitika. Vakachenetedza Chechi yaVo neShoko.

¹⁴¹ Zvino chinhu chekutanga chaiva kushandisa pfungwa. Zvino vanoti, “Hazvina musoro here zvino, kana ndikava wechechi *iyi*, haisi yakangofanana here nechechi *iyo?*”

¹⁴² Pane Chechi 1 yaunogona kupinda mairi. Haufe wakaIjoinha. Unogona kujoinha kirabhu, kirabhu reMethodisti, nekirabhu rePresbyteriani, nekirabhu reBaptisti, nekirabhu rePentekosti. Asi unozvarirwa muChechi yaJesu Kristu, saka heyoka Chechi.

¹⁴³ Iwo ayo makirabhu, ayo vanhu vanouya pamwe chete, semakunguwo ogara pabazi *iri*, nenjiva pabazi *iri*, ne—nezvimwe zvakadaro. Ndirwo ruwadzano rwenyu rwamunarwo pamwe chete, pamunenge muchigoverana chikafu chimwe chete.

¹⁴⁴ Asi kana zvasvika pane Chechi yaJesu Kristu, kune nzira imwe chete. Ndiko Kuzvarwa. Kuzvarwa!

¹⁴⁵ Zvakangofanana nemunhu, sezvandakambotaura kakawanda, seshiri nhema yakagara pabazi, ichiedza kuisa minhenga yepikoko mumapapiro ayo, uye yoti, “Munoona, ndiri pikoko rinokanyaира.” Maona? Yakabairira minhenga iyoyo, mairi. Dai yaive pikoko chairo, hunhu hwayo hwaizoburitsa mhando yemunhenga wakadaro.

¹⁴⁶ Kana Chechi yaMwari mupenyu iri Chechi yaMwari mupenyu, Ichaburitsa Shoko raMwari mupenyu. Haudi kuti uwedzere minhenga yepikoko chero pai zvapo. Uye munhenga wese urimo uchange wakabatanidzwa nepikoko. Unogona kuzvitenda. Uye munhenga wose wakabatanidzwa muChechi

yaMwari uchava Shoko raMwari. Havazombopfekedzera chimwe chinhu kunze kweShoko. Ameni. Nokuti, hunhu hweMweya hunoburitsa Shoko chete. Ameni. Ndava kunzwa manyukunyuku ekunamata. Ndizvozvo.

¹⁴⁷ Kwete chinhu chaunoedza kuita, hapana chaunogadzira. Haugone kugadzira china-...Haugone kugadzira ruponeso. Haugone kugadzira zvipo. Unofanira kuberekwa zvipo. Zvirokwazvo. Maona? Hwa-hwai haigadziri, haigadziri makushe. Rine makushe nekuti igwai. Rinongobereka makushe. Muti wemuche—che—mucherry haugadziri macherry. Unongobereka macherry, nekuti hupenyu hwawo hwakaita saizvozvo.

¹⁴⁸ Uye Chechi yaMwari mupenyu haipfekedzere Izvi, kuedza kuzviita kuti vataridzike sechimwe chinhu. Vatori zvavari nechekare, nenyasha dzaMwari. Uye Shoko raMwari rakabatanidzwa navo, uye vakabatanidzwa neShoko. Zvino mabasa akaunzwa mune uyo wakakwana, Jesu Kristu, Mwari vachiratidzwa munyama, achazvibereka kuburikidza nemutendi wese akazvarwa patsva. Akataura kudaro. Ameni. Hapana chimwezve. Zvino, ndicho chinhu chinova chechokwadi.

¹⁴⁹ Zvino, zvingava zvinovhiringa zvishoma—zvishoma kumunhu, kana asina kumbobvira aziva kurira chaiko kwehwamanda. Zvino, munhu asina kumbodzidziswa kuhwamanda, uye asina kumboinzw, zvino, anogona kunge akati vhiringikei zvishoma paanonzw chimwe chinhu chichirira zvakasiyana nezvaanzwa. Anogara achingonzwa, “Joinha chechi. Endesa tsamba yako *uku neuku*.” Izvozvo zvingava zvakanaka. Ndizvo zvoga zvaanoziva.

¹⁵⁰ Asi zvino paunotanga kudzoka, pamusoro perubhabhatidzo rweMweya Mutsvene, uchitaura pamusoro pesimba raMwari nezvinhu zvaVanoita; uye kuti zvinoita sei vakadzi nevarume, vose, vazvichenese kubva kuhupenyu hwechivi; kuti zvinovaita sei kuti vafambe zvine humwari, vakatendeseka. Uye zvinhu zvaunoita, uye zvinounza rubhabhatidzo, kutaura nendimi, kupodza vanorwara, kudzinga madhimoni, kuporofita, zvipo, oo, zviratidzo, zvinhu zvose muChechi. Hareruya! Ndizvozvo. Kana yorira, inobva yati vhiringidzei zvishoma kune avo vasina kumbobvira vakanzwa mhando iyoyo yehwamanda.

¹⁵¹ “Zvino,” unoti, “chechi yangu haidzidzisi izvozvo.” Saka haisi kuridza hwamanda yeVhangeri. Kubwinya! Ndizvozvo.

¹⁵² Asi kune masoja iwayo akadzidziswa, hareruya, pavanonzwa kurira ikoko kwehwamanda, vanoziva mamiriro emuhurongwa. Fambira mberi, musoja weChikristu! Kubwinya! Oo, zvine chokwadi!

“Unoziva sei kuti zvinovimbika nazvo?”

Zviri paShoko.

“Zvino,” unoti, “chechi yedu haidzidzisi iZvozvo.”

¹⁵³ Asi hwamanda inoZviridza. Handidi kudzidziswa kune chitendwa chechechi, nokuti chichazunguzika nekudonha. Asi kana wakadzidziswa kuShoko, matenga nenyika zvichapfuura, zvino Shoko iri harizombopfuuri. Chitendwa chese, zvimwe zvese, zvichawa. Asi Shoko iri harifi rakakundika. Ameni. Ndirwo ruzha. Ndiro ruzha rwandinoda kunzwa. Hongu, changamire.

“Oo,” unoti, “ndinoziva sei?”

¹⁵⁴ Jesu akati, “Makwai aNgu anonzwa ruzha rwaNgu. Anoziva hwamanda yaNgu.” Akati, muna Mutsvene Johane, chitsauko 14 nendima 12, “Uyo anotenda maNdiri, mabasa aNdinoita naiye achaaitawo.” Zvino, Akataura kudaro.

Kana munhu akati, “Manje?”

¹⁵⁵ VaHebheru 13:8 inoti, “Jesu Kristu mumwe chete zuro, nhasi, nokusingaperi.”

“Oo,” vanoti, “neimwe nzira.”

¹⁵⁶ Zvino, gwai chairo richati, “Uh-oo. Oo, chimwe chinhu chakiriridza, imomo. Hazvina kunzwika zvakakanaka. Oo, inofanira kunge iri nyanga yechiFrench. Iyoyo yanga isiri hwamanda, nokuti Bhaibheri haripi ruzha rwusinganzwisisiki.”

¹⁵⁷ Rinoti, “Muchagamuchira Mweya Mutsvene.” Kwete kuti, “Mungangokwanisa.” “Muchadaro, munhu wese.” Kusvika riinihi? “Kuvana venyu, nekuvana vevana venyu, nekune avo vari kure, kunyangwe navose vachazodanwa naIshe Mwari wedu.” Acharidza hwamanda mumarudzi ose nechizvarwa chose, uye vachanzwa Inzwi raKe. VachaRitenda, avo vakatemerwa kuHupenyu. Ameni. VachaRitenda nokuti vanoziva kuti IHwamanda yeEvhangeri iri kurira. Haisi isinganzwisisike. Musoja wese anoziva mamiriro.

¹⁵⁸ Zvino, makaona Petro, naJohane, Jakobho, nechechi yepakutanga, vachifora mberi nenzira iyi, nokuti hwamanda, Jesu, akati, “Endai munyika yose, muparidze Evhangeri.” Marko 16, munoona, “Zviratidzo izvi zvichatevera avo vanotenda.” Tinoona Petro, Jakobho, Johane, vamwe vose vakamira mumutsara, vachiforera kwaIri.

¹⁵⁹ Zvino tiri kutsaukira neimwe nzira, tichibva kwaIri? Mumwe achienda mberi, mumwe achidzokera shure? Mumwe achiti, “Asika, zvaive zverimwe. Irwo, ruzha irworwo—irworwo, rwaive rwerimwe.” Oo, kwete. Hazvigoni kuva izvozvo.

¹⁶⁰ Hondo yose yeChikristu inonzwa hwamanda. Mwari vakati ndiyo yaive hwamanda. Havakwanisi kuishandura. Ndirwo ruzha rwaVakati yaizorira narwo. “Vanhu vese vachaziva izvi,” ndiye hutu Chechi ichienda.

¹⁶¹ Vamwe vavo havatendi muKuuya kwaKe chaiko. Bhaibheri rakati Achaya, saka tiri kutarisira Kuuya kwaKe. Kana Asiri pano manheru ano, tichange tichitarisira mangwanani. Kana Asiri pano mangwanani, tichange tichiMutarisira mangwana manheru. Uye ticharamba tichitarisira. Kana tikavata, zvedu—zvedu...hatina kufendera pasina. “Nokuti hwamanda yaMwari icharidza hwamanda iyoyo yokupedzisira, uye vakafa muna Kristu vachamuka. Uye isu vapenyu vakasara tichabvutwa pamwe chete navo, kunosangana naShe mumhepo, uye tovako nekusingaperi.” Ndirwo ruzha rwehwamanda. Kunyangwe ndikararama kana ndikaenda, hazvina kana mutsauko wazvinoita. Ndichanzwa ruzha. Ndichamuka. Mwari ngavarumbidzwe! Kumuka. Oo, hongu. Hongu.

¹⁶² Jesu akataura, kuti, “Makwai aNgu anonزوا inzwi raNgu.” Akanga ari Shoko rakaratidzwa. Apo...Ndiwo mazivirwo aAnoitwa namakwai aKe.

¹⁶³ Zvino tarirai vaFarisi nevamwe muzuva iroro. “Oo,” vakati, “Murume uyu ndiBherizebhbabhu.” PaAkaudza mudzimai wepatsime, paye, pamusoro pezzvivi zvake, varume vake vaakanga aita, paAkaudza Nataniere kwaakanga ari, pasi pomuti paakadanirwa naFiripi, kunze ari pasi pomuti wemuonde, achinamata, handiti, vadzidzisi ivavo vezuva iroro vakati, “Murume uyu ndiBherizebhbabhu. Idhimoni. Iye muuki.”

¹⁶⁴ Asi zvakanga zvisina kudaro naPetro, Jakobho, naJohane, navamwe vose. Vaizviziva. Sei? Vaiziva kuti Mwari pavakataura kuti kana Mesiya aizouya, pasi peinzwi rakafemerwa raMosesi, Achava muprofita. Zvino pavakaona zvinhu izvozvo zvaAkataura zvichiratidzwa uye nokukwaniswa, vakaziva kuti chaiva chikafu chemakwai. Vaiziva kuti ndiyo yaiva hwamanda. Uye vakatanga kuitevera. “Makwai aNgu anoiziva,” nokuti akaona Shoko ramMwari richiratidzwa.

¹⁶⁵ Zvino, vanhu nhasi, havatendi kuti kune chinhu chakadaro serubhabhatidzo rweMweya Mutsvene. Vanopinda muno kana kumwewo kwavane Mweya Mutsvene, uye vanoona vimbiso yaMwari ichizadzikiswa chaizvoizvo, handiti, “Makwai aNgu anonزوا inzwi raNgu.” Vanoziva ruzha rwehwamanda iyoyo nekuti iBhaibheri. “Jesu Kristu mumwe chete zuro, nhasi, nekusingaperi.” Achiri VaHebheru 13:8, chaizvoizvo.

¹⁶⁶ Handina basa nazvo, zvino, hazvina kana mutsauko wazvinoita kuti inyanga ngani dzechechi dziri kuridzwa. Tine vanoridza nyanga dzechechi vakawanda, munoziva, vachiridza zvavo kwese-kwese, vachiti, “Oo, mazuva ezvishamiso akapfuura. Hakuna chinhu chakadaro chinonzi kupodza kwaMwari.”

¹⁶⁷ Oo, makwai chaiwo haatereri izvozvo. Asi anoteerera hwamanda iyoyo, zvakanaka.

¹⁶⁸ Nyanga iyoyo yechechi inogona kuridza chero chinhu. Unokwanisa... Tarisai zvainazvo nhasi, nyanga dzechechi. Imwe iri kumhanya neuko, uye imwe iri kumhanya neuko. Zvino dhiyabhore akagara hake kumashure, oti, "Vakomana, vari kungorwisana. Ndizvo zvoga. Handitombofaniri kufambisa ruoko rwango."

¹⁶⁹ Asi, hama, regai vose vauye kuzobatana imwe nguva, vodzoka kune rairo dzemazuva ose. Oo, ini zvangu! Zvino uchaona "fambirai mberi, varwi veChikristu," ndizvozvo, kwete kuteerera nyanga, asi kuteerera hwamanda.

¹⁷⁰ Ngatimbomirai, zvishoma, tidzokere shure totarisa vashoma zvino. Tave kuda kuvhara, nokuti handisi kuda kukuchengetai pano kwenguva yakareba kwazvo. Asi ngatidzokerei tonotarisa vamwe vakanzwa ruzha urwu. Ngatitorei... Zvino vaiva nechokwadi. Zvino, ndakuratidzai kuti zvimwe zvese hazvina chokwadi. Ngatimbotorei munhu 1 wekare, kwechinguvana.

¹⁷¹ Ngatitorei muporofita Jobho. Zvino, murume iyeye akapinda nemukuyedza, asi aiziva kuti Mwari vaida chibairo chinopiswa. Ndizvo zvaidiwa naMwari, uye ndizvo zvega zvaVaida. Uye hazvinei kuti injodzi yakawanda sei yakawira musha wake... Mwari nguva dzose hava...

¹⁷² Ukaona chimwe chinhu chisina kunaka chichiitika kune mumwe munhu, hazvirevi kuti ari kurohwa neshamhu naMwari. Zvinogona kusareva kuti ari kunze kwekuda kwaMwari. Anoziva mumwoyo make kuti ari kuteerera hwamanda here kana kuti kwete.

¹⁷³ Mwari vaida chibairo chinopiswa ichi, uye Jobho akamira pachiri chaipo. Ndizvo zvoga. Vakati, "Jobho, uri mutadzi wemuchivande. Uri kuita chimwe chinhu chisina kunaka." Asi aiziva zviri nani. Akagara ipapo chaipo, nokuti akanga anzwa inzwi rehwamanda, uye akaramba akagara ipapo nayo.

¹⁷⁴ Uye, pakupedzisira, kuzasi chaiko kumagumo chaiko, paakanga... Dhiyabhore akanga asunungurirwa paari, ndokutora mhuri yake, uye akatora vana vake, akatora mangamera ake, ndokutora pfuma yake yose, uye akavhiringa hutano hwake iye. Akagara pamurwi wemadota. Zvairatidza sokuti zvinhu zvose zvakanga zvaparara. Asi akaramba achiti, "Ndinoziva kuti Mudzikinguri wangu anorarama. Pamazuva okupedzisira Achamira panyika. Kunyangwe honye dzemunyama dzikaparadza mutumbi uyu, zvakadaro munyama yangu ndichaona Mwari." Hapano chisinganzwisisike nezvazvo, chaivepo here? Kwete, "Ndi—ndi—ndi—ndinoita sekufunga kuti Anorarama." Akati, "Ndinoziva kuti Anorarama, uye Achamira panyika nemazuva okupedzisira. Kunyangwe honye dzemunyama dzikaparadza mutumbi uyu, zvakadaro munyama yangu ndichaona Mwari." Oo, ini zvangu! Zvakaitika. Aiva nechokwadi zvikuru.

¹⁷⁵ Abraham, ari kunze achifamba mumunda rimwe zuva, akanzwa Mwari vachiti, “Abrahama, Ndiri kuzo...” Vakasangana naAbrahama Shoko rakanyorwa risati ravepo, uye Vakati, “Abrahama, ndichakupa mwanakomana nemudzimai wako, Sara.” Zvino akanga ava namakore 65 okuberekwa panguva iyoyo, uye Abrahama akanga ave ne 75. Zvino vakamugadzirira, uye haana kunyara kupupura. Aiziva kuti aizova nemwanakomana.

¹⁷⁶ Zvino Bhaibheri rakati, “Haana kudzedzereka pavimbiso yaMwari kubudikidza nekusatenda, asi akagutsikana zvizere.” Ameni. Kugutsikana zvizere, zvinoreva kuti akasangana nemhedziso. Ameni. Ndizvozvo. Mhedziso ndiyo magumo enzira. Ndicho chinhu chekupedzisira. Ndiyo—ndiyo zvose.

Akati, “Ndine kugutsikana kwakazara kwekuti, zvakavimbiswa naMwari, Mwari vanokwanisa kuzviita.”

¹⁷⁷ Uri here, manheru ano, wakagutsikana zvizere here kuti uyu ndiwo Mweya Mutsvene? Wakagutsikana zvizere here, kuti iyi ndiyo nzira? Wakagutsikana zvizere here, kuti ndiYe Mupodzi? Wakagutsikana zvizere here kuti Ari kuuya zvakare? Wakagutsikana zvizere here kuti ndiYe mumwe chete zuro, nhasi, nokusingaperi? Ameni. Kugutsikana zvizere! Hongu.

¹⁷⁸ Ngatitorei mumwe, Eria, amire pamusoro ipapo pagomo. Akanga akakavadzana naJezebheri uye nechiso chake chakapendwa, uye akanga oita sokuneta nazvo. Pamusoro pevakadzi vose vachitevedzera mudzimai wemutungamiriri wenyika, zvichida vaine bhibho uye nechero zvavaiva nazvo muzuva iroro. Akanga akazvitsiura zvakanyanya kusvika zvo—zvoda kumuparadza.

¹⁷⁹ Pakarepo, Mwari vakati kwaari, “Dzika zasi uko. Unoziva, kuti kunonaya kwamazuva 2 kana 3 ega-ega pavhiki, neche kuno. Asi enda unomira kuna Ahabhu, womuudza kuti, ‘ZVANZI NAJEHOVHA. Dova haringawi kubva kudenga kusvikira ndaridana.’” Oo, ini zvangu!

¹⁸⁰ Haana kuti, “Zvino, Ahabhu, zvichida, pamwe zvingangoshanda nenzira iyi.” Oo, kwete. Akange akagutsikana zvizere, pasina chinhu chaisanzwisisika. “Dova haringadonhe, mvura inonaya haiuye, kusvikira ndaidana.” Ameni. Kubwinya! Oo, sei? Akanzwa hwamanda. Yaireva kwazvo. Aiziva Mwari wake. Aiziva kuti chimwe chinhu chaizoita, Mwari pavakataura Shoko iroro, matenga ose wenyika zvaizopfuura kusvikira zva—zvaitika, zvaifanira kuitika. Aive akagutsikana zvechokwadi.

¹⁸¹ Zvino, Vakati, “Eria, Ndinoda kuti uende kumusoro uko munzvimbo yakaomesesa munyika, kumusoro chaiko mugomo kusina zvitubu. Asi Ndine chimwe kumusoro ikoko chako.”

¹⁸² Akagutsikana zvizere. Akakwira mugomo akandogara pedyo nerukova Keriti. “Uye zvino ndichaitei kumusoro kuno?”

“Ndakatorayira makunguwo kuti akupe zvokudya.”

¹⁸³ “Zvino, ko makunguwo iwayo chii chaacha... Zvino, imbomirai zvishoma, Ishe”? Kwete, kwete. Hwamanda yakarira. Zvakakwana. “Zvichaitika sei? Handizive. Handina basa nazvo. Maona? Hazvisi zvangu kuti ndizvinetsekere. Ibasa raMwari. Vakati Vakaraira makunguwo.”

¹⁸⁴ “Zvino, Ishe, ndapota Munganditsanangurirawo here, uye mondiudza chaipo apo iwo... kuti makunguwo iwayo akaenda kuchikoro chipi, kuti adzidze kutaura chiHebheru? Imhandoi ye... Anobikira pachitofu chegasi here, kana kuti ane moto wehuni here, kana kuti anozviita sei? Uye kuti ndekupi kwaacha... Imhandoi yemhuka yaachauraya? Angori shiri diki. Achandiurayira sei nyama yemombe, kundiunzira sangweji remombe?” Maona? Maona? Hazvina kubvunzwa nezvazvo.

¹⁸⁵ Mwari, hwa—hwamanda yaMwari, Inzwi raVo rakanira uye rikati, “Ndatoita!” (Kwete, “Eria, Ndingangoziita.”) “Ndazviita.” (“Ndichazviita.”) “Ndatoziita.” Ameni.

¹⁸⁶ Ndivo Mwari wedu, manheru ano. Kwete, “Vachazviita” Vakatozviita kare. Ameni. Vakatozviita kare. Ameni. Kwete, “Vachazviita; Vangagoziita; zvimwe Vachazviita.” Vakatozviita kare. “Ndakaraira makunguwo.”

¹⁸⁷ Akapa Mweya waKe kuvanhu vose. Akapa maropafadzo aKe. Akakwira Kumusoro, ndokupa zvipo kuvanhu. Mumwe munhu ari kuzozviwana. Mumwe munhu achazviramba. Harisi basa rangu kuti zvinouya sei. Zvinongova saizvozvo zvchisvikapo. Mwari vakati zvaizova saizvozvo, uye ndizvozvo. Petro akati, paZuva rePentekosti, “Tendeukai, mumwe nemumwe wenyu, mubhabhatidzwe muZita raJesu Kristu kuti mukanganwirwe zvivi zvenyu, uye muchagamuchira chipo, Mweya Mutsvene.” Uchauya sei? Handizive. “Vi—vimbiso ndeyevana venyu, kune avo vari kure, kunyangwe vose vachadanwa naIshe Mwari wedu.” Zvino, haungagone kuzvishayisa maturo nekutsanangura. Hwamanda yakatorira kare, uye ndinozvitenda. Ndakazviteerer, ndikazviwana. Ameni. Zvino edza kundipikisa kuti ndibve mazviri kamwe chete. Ameni. Oo, handina kukwana. Kwete.

¹⁸⁸ Sehusiku huya, hanzvadzi yekare yechitema, yakati, “Mukuru, ndingapawo chapupu here?”

“Hongu, amai.”

¹⁸⁹ Akati, “Ndinoda kutaura chinhu chimwe chete ichi.” Akati, “Ini—ini—ini handisi zvandinoda kuva.” Uye akati, “Handisi zvandinofanira kuva. Asi, pane chinhu chimwe chete chandinoziva, handisi zvandaisimbova.”

¹⁹⁰ Saka, izvozvo, ndiwo manzwiro atinoita nezvazvo. Handisi zvandaisimbova, nekuti ndakaponeswa manheru ano, nenyasha dzaMwari, uye ndakagamuchira rubhabhatidzo

rweMweya Mutsvene, pane rairo. Wakadururwa ipapo paZuva rePentekosti, vimbiso yakapihwa, uye ndakaitenda. Hapana chisinganzwisisike pazviri. Ndakanzwa ruzha. Ndakarwuteerera, uye ndine chokwadi chekuti ndizvo zvarwuri. Zvirokwazvo. Ndinoziva kuti ndizvo. Chokwadi.

¹⁹¹ Simeoni, mutana muchenjeri ane makore angaita 80 ekuberekwa, mazana emakore kubva pakambove nemuporofita panyika, asi achifamba aine chiremerera chikuru. Mweya Mutsvene wakataura naye rimwe zuva, ukati, "Simeoni, unoziva, hausi kuzofa kusvikira waona ruponeso rwaShe." Kubwinya!

¹⁹² Zvichida muprisita mukuru, achipuruzira ndebvu dzake kakati kuti, uye ndokuti, "Simeoni, unofanira kukamira ndebvu dzako kune rumwe rutivi."

Akati, "Izvozvo hazvina kana mutsauko wazvinoita."

"Unoziva sei kuti zvaunoreva ndizvo?"

"Mweya Mutsvene wakandiudza kudaro. Handizofe."

¹⁹³ "Handiti, Simeoni, handiti, uri... Manje, wagadzirira kufa zvino."

¹⁹⁴ "Oo, handina basa nezvamunotaura. Asi Mwari vakandiudza kuti handingazooni rufu kusvikira ndaona ruponeso rwaVo. Pasina chisinganzwisisike. Handife. Handikwanise kuona rufu kusvikira ndaMuona." Ameni. Ndizvozvo.

"Uchazviita sei, Simeoni?"

"Ini, harisi basa rangu."

"Ari kupi, Simeoni?"

"Handizive."

"Unoziva sei kuti uchaMuona?"

¹⁹⁵ "Mwari vakataura kudaro. Ndizvozvo. IShoko. Handisi kuzoona rufu kusvikira ndaMuona." Oo, ini zvangu!

¹⁹⁶ "Oo, mutana anonzwsa urombo. Chokwadi, njere dzake dzakarasika, munoziva. Saka ingomusiyai akadaro."

¹⁹⁷ Asi akaMuona, zvisinei. Hongu, changamire. Mwari vanogadzirira nzira vanhu ivavo vachatora Shoko raVo.

¹⁹⁸ Jesu, paAiva pano panyika, zvino Akanga akamira ipapo paguva raRazaro.

¹⁹⁹ Kana kuti, zvisati zvaitika, paAkanga ari munhaurirano ne—nevanhu, yekutaura pamusoro pekuti Iye, asati atova nemakore 50 okuberekwa, uye ndokutura kuti Akaona Abraham. Munocherechedza here kuti Aiva nechokwadi chazvo sei? Akati, "Abrahama asati avapo, NDIRI. NDIRI." Kwete, "Ndaiive," kana, "Ndichave," asi, "NDIRI. Ndine chokwadi chazvo."

²⁰⁰ Zvino, Akati, paguva raRazaro, Asati aenda zasi ikoko, Akati, akaudza Marita, Akati, "Ndini rumuko, Hupenyu."

Kwete, “Ndinofanira kuva,” kana, “Ndichave,” asi, “Ndiri.” Ameni.

²⁰¹ “Hanzvadzi yangu, kana dai Manga muri pano, ingadai isina kufa. Asi kunyangwe nazvino, Ishe, chero chipi chaMuchakumbira Mwari, Mwari vachachipa kwaMuri.”

Akati, “Hanzvadzi yako ichamuka zvakare.”

²⁰² “Oo, achamuka mumazuva ekupedzisira, parumuko rwevanhu vose. Aiva mukomana akanaka. Hongu, ndinotenda kuti achamuka.”

²⁰³ Asi Jesu akaZvitwasanudza zvishoma, iye, pachake, akati, “Asi ndiNi rumuko neHupenyu.” Kwete, “Ndichave; Ndinofanira kuva,” kana zvimbewo. “NDIRI.” Hapana chinhu ipapo, hapana chiri kuzunguzika, kuzunguzika pamusoro pazvo. Hapana chisinganzwisisike. Zvaive mazvirokwazvo.

²⁰⁴ “Ndini rumuko neHupenyu. Uyo anotenda maNdiri, kunyangwe akafa, asi achararama. Ani naani anorarama uye achitenda maNdiri haazombofi.” Kwete—kwete kuti, “Vanogona kusadaro. Zvichida havazodaro.” “Havazodaro. Hapana—hapana chisinganzwisisike nezvazvo. Havazofi.”

²⁰⁵ “Uyo anonzwa Mashoko aNgu uye achitenda kuna iYe akaNditura ane Hupenyu husingaperi, uye haachazouyi paKutongwa, asi akatopfuura kubva murufu achipinda kuHupenyu.”

²⁰⁶ “Havafaniri kuuya paKutongwa”? Havazouyi paKutongwa. Ameni. Akatora Kutongwa kwangu. Handina chekuita ipapo. Ameni. Hezvoka izvo. “Kupfuura kubva murufu tichienda kuHupenyu.” Oo!

²⁰⁷ Zvino akati akazvitenda. Zvino, Jesu haana kumboti, “Zvakanaka, unoziva, nokuda kwekuti unotenda izvozvo, uye unoziva kuti Ndiri Shoko, uye—uye Ini—Ini... Unoziva kuti ndiNi Iye akanga achizouya. Wazvipupura izvozvo. Unozvitenda. Ndichakuudza zvatingazoite. Handei tinounganidza vakuru pamwe chete, todzika zasi uye toona kana tikakwanisa kuita chimwe chinhu pamusoro pazvo.” Kwete, kwete. Akati, “Ndicha...” Kwete kuti, “kudzika zasi ndoona kana Ndikakwanisa kumumutsa.” “Ndichaenda kunomumutsa.” Ameni. Kwete, “Ndicha—Ndichaedza.” “Ndichadaro.” Hapana chisinganzwisisike. Rwakanga rwusiri ruzha rwusinganzwisisike, paAkati, “Ndichadaro. Ndichadaro.”

²⁰⁸ Zvino Mumwe cheteye akati, “Ndichadaro,” akakuitira vimbiso. Hareruya! Oo, ini zvangu! Ameni.

“Ndichaenda kunomumutsa.”

²⁰⁹ Zvakare Akati, “Paradzai temberi ino, uye Ndichaona zvaNdingaite pamusoro payo”? “Imi paradzai temberi ino, uye Ndichaisimudzazve mumazuva 3.” Hapana chisinganzwisisike. “Zvino Ndichaedza. Imi mese munogona

kumira muchiona kuti Ndinozviita here kana kuti kwete”? Ah, kwete. “Ndichaisimudza.” Hapana chisinganzwisisiki. “Ndichaisimudza. Imi—imi iparadzei; Ndichaisimudza.” Oo, ini zvangu!

²¹⁰ Sei? Aiziva kuti Aiva Munhu wacho, ari muMagwaro, akataurwa nezvake naDhavhidhi. “Handizosiyi mweya waKe uri mugehenia, uyewo haNdingatenderi iYe Mutsvene waNgu kuti aone kuora.” Uye Aiziva kuti Aibatanidzwu muvimbiso yeMagwaro iyoyo, saka naizvozvo Aiva nechokwadi chazvo.

²¹¹ Zvino, isu hatingave here nechokwadi chakadaro? TinoMutora, semuenzaniso, wezvimwe zvinhu. Chero bedzi Shoko raMwari rakazvitura, hatingagoni here kuva nechokwadi pamusoro peShoko sezvaAkanga ari pamusoro paro?

²¹² “Ndini rumuko neHupenu.” “Ndichaisimudza zvakare.” Ameni. Sei? Aiziva Shoko raitaura nezvazvo, uye Aiva nechokwadi chekuti aizomuka.

²¹³ Kana Ndiri munhu iyeye ari muna Johane 5:24, “Uyo anonzwa Shoko raNgu uye achitenda kuna iYe akaNdituma, ane Hupenu hwusingaperi, uye Ndichamumutsa pamazuva ekupedzisira. Haazopindi muKutongwa; apfuura kubva murufu achienda kuHupenu.” Ndi—ndisu. Zvino chii chatinotya? Chii chiri kunetsa?

²¹⁴ Zvinoita mutsauko wei kuti wakapfeka mhando yemuchiso upi? Unozvidaidza kuti *izvi*, *izvo*, kana *zvime*. Tiri vana vaMwari, nenyasha dzaMwari. Takazadzwa neMweya Mutsvene, nenyasha dzaMwari. Zvine mutsauko wei pakuti *uyu* ari *icho* kana *icho*, kana ari muPresbyteriani, muMethodisti, muBaptisti? Kana akazadzwa neMweya Mutsvene, ane Hupenu hunomutsa maari. Ameni. Hongu. Zvino, neZuva rePentekosti...

²¹⁵ Jesu akavaudza, muna Ruka 24:49, “Tarirai, Ndinotumira vimbiso.” Kwete kuti, “Ndiningangozviita. Ndichaona zvaNdiningaite nezvazvo.” “Ndichatumira chipikirwa chaBaba vaNgu pamuri. Asi endai kumusoro ikoko kuguta reJerusarema uye munomira kusvikira mazadzwa nesimba.”

²¹⁶ Zvino, ko dai vaise vakamirira, voti, oo, mazuva 6, voti, “Takamirira chii? Ndinotenda kuti tinofamira kuugamuchira nokutenda. Hamufungi kudaro here?”

²¹⁷ Ko dai Jakobho akati, ne—nezuva rechi 9, akati, “Simoni, huya pano zvishoma. Unoziva, rimwe zuva ndakava nekamwe kamanzwiros kasinganzwisisike. Waona? Uye unoziva zvandinotenda here? Ndi—ndi—ndinotenda kuti haAtongodi kuti timirire tiri pano. Ndinotenda kuti taka—takatouwana. Haufungi kudaro here? Ngatienderere mberi neshumiro yedu”? Oo, zvingadai zvisina kumboitika.

²¹⁸ Sei? Vaiziva kuti muporofita akadaro. Zvino teererai. Muporofita akati, “Chirevo chinofanira kuva pamusoro pechirevo, mutsara unofanira kuva pamusoro pemutsara, pamusoro pemutsara; apa zvishoma neapo zvishoma.” “Batisisa kune izvo zvakanaaka.” “Nokuti nemiromo inokakama uye nedzimwe ndimi Ndichataura kuvanhu ava. Uye iri ndiro zororo, sabata.” Vaiziva kuti chimwe chinhu chaifanira kuitika paUnouya.

²¹⁹ “Ndichadurura Mweya waNgu nezuva rokupedzisira.” Joere 2:28, “Zvichaitika mumazuva okupedzisira, ndizvo zvinotaura Mwari, Ndichadurura Mweya waNgu pamusoro penyama yose, uye vanakomana navanasikana venyu vachaporofita. Pamusoro pavarandakadzi nevashandikadzi vaNgu Ndichadurura Mweya waNgu, nezuva iroro. Ndicharatidza zviratidzo kudenga kumusoro ne—nemunyika, nemoto, nehutsi, nemhute.”

²²⁰ Vaiziva kuti paifanira kuva nechimwe chiitiko chinoperekedza kuuya ikoko kweMweya Mutsvene. Vakanga vasiri kutora ruzha rwusinganzwisisiki. Asi pavakanzwu chimwe chinhu chiya chichifamba, uye vakaona humboo hweBhaibheri huchifamba nacho, vaisava vasina chokwadi. Mumigwagwa chaimo vakaenda. Ndiregerereiwo. Oo, ini zvangu! Vakanga vane chokwadi chekuti waiva Mweya Mutsvene.

²²¹ Munoziva kuti vaiva nechokwadi zvakadii? Kusvikira, Petro, muchinda mudiki uya asina kudzidza, akasvetukira pamusoro pechigutsa kana bhokisi, kana kumwewo, akati, “Imi varume vemuJudhea,” chipfuva chidiki chakabuditswa kunze sejongwe. Akati, “Imi varume veJudhea, imi munogara muJerusarema! Ndanga ndichikutyai, nguva shoma yapfuura; handisi, zvino. Ngazvizivikanwe kwamuri, uye teererai mashoko angu. Ava havana kudhakwa sezvamunofungidzira kuti ndizvo. Asi izvi *ndizvo Zviya*.” “Tinovimba kuti izvi *ndizvo Zviya*? “Tinotenda kuti izvi *ndizvo Zviya*? Akati, “Izvi *ndizvo Zviya* zvakataurwa nemuporofita Joere.” Hareruya! Hapana chisinganzwisisiki nezvazvo. “Izvi *ndizvo Zviya* zvakataurwa nemuporofita Joere.” Oo, ini zvangu!

²²² Jesu akati, muna Marko 16, akaraira Chechi yaKe, “Endai munyika yose, muparidze Evhangeri.” “Zviratidzo izvi zvichida zvinofanira kuzo; zvicha, apa neapo, zvichida”? “zvichaperekedza avo vanotenda. Zviratidzo izvi zvichatevera avo vanotenda. MuZita raNgu vachadzinga madhimoni. Vachataura nendimi itsva. Kana vakabata nyoka kana kunwa chinhu chinouraya, hachingavakuvadzi. Kana vakaisa maoko avo pamusoro pevanorwara, vachapora.” Kwete, “Pamwe.” “Vachatodaro. Zviratidzo izvi zvichatevera avo vanotenda.”

²²³ Regai ndizvipendere, mukutura izvi, hama, hanzvadzi, kwemaminitsi mashoma anotevera. Ndinozvitenda. Ndinotenda

kuti zvimwe zvese, chero chipi chinopesana naRo, hachina kunaka. Ndinotenda, chose chinopesana naRo chichawa. Ndinotenda, handina basa kuti macommunism mangani, kana kut zvingani zvezvitevedzwa *izvi* nechitevedzwa *icho*, nezvemachechi nechiRoma, uye zvimwe zvose, zvechiAmerica nezvimwe zvose zvichawa.

²²⁴ Asi Shoko iroro richamira Nokusingaperi, nokuti IShoko. Uye risati rava Shoko, rinofanira kuva pfungwa. Zvino shoko ipfungwa yaratidzwa. Uye Mwari, muZiyendanakuenda, zvakauya mupfungwa dzaVo. Vakaratidza pfungwa dzaVo. Rikava Shoko, uye Shoko rinofanira kuratidzwa.

²²⁵ Ndicho chikonzero, paVakataura nezvaMesiya, pakatozouya Mesiya. Vakataura kuti kuchave neChechi mumazuva ekupedzisira, isina gwapa kana kuunyana pairi; kuchava neChechi ikoko. Hareruya! Vakazvitaura. Ndinotora Shoko raVo. Ndinozvitenda.

²²⁶ Ndinotenda kuti Vakavimbisa Mweya Mutsvene kumutendi wose aizotenda. Ndinotenda Petro, neZuva rePentekosti, paakaparidza mharidzo iyoyo inoshamisa, uye akavaudza vose kuti vatendeuke uye vabhabhatidzwe, kuti zviratidzo izvi zvaizouya, uye neizvi. "Ani naani aidana paZita rajehovha aizoponesewa." Ndinotenda kuti iChokwadi; ndakamira pachiri. Ndakazviona zvichiratidzwa.

²²⁷ Ndinoziva kuti ndiri kurwisana nazvo. Uye ndinoziva kuti ndiri kuedza kuisa nhanho. Ndisati ndatora nhanho, ndinofanira kudimbura mapfundo ese, minzwa, zvimwe zvese, kuzvibvisa munzira. Asi pese paunotora nhanho, unenge uri kufambira mberi. Ameni. Ingotora banga wozvidimbura.

²²⁸ Vazhinji venyu munorangarira Paul Rader, shamwari inokosha zvikuru. Ndaive ndingori mukomana muparidzi, mwana. Ndaiwanzoenda kumusoro kuFort Wayne, kunomuteererera, paRediger Tabhenakeri. Muchinda mukuru kwazvo! Aidzokera kumashure-shure, osimudzira tirauzi rake, osimudza ruoko rwake uye ohon'a sechitsera, uye ndaifunga kuti achasvetuka achipfuura nemupurupiti. Paai... Zvino aitanga nemusoro wenyaya, hongu, muna Genesi, opedzisa muna Zvakazarurwa, achienda nekudzoka. Paul aiva murume chaiye.

²²⁹ Achitaura rimwe zuva, akati, "Ini ndaimbove mutemi wemiti muOregon," kwaakabva. Akati, "Rimwe zuva, munoziva," akati, "Nda—ndaive ndiri kuminda yekuvhangera, kune imwe nzvimbo kure-kure." Ndakanganwa zvino kwayaive. Zvino akanga achiita basa rechimishinari.

²³⁰ Aitenda muna Mwari, achitenda mukupodza kwaMwari. Zvino Paul akati, ipo pano pamire chechi yepasi rose nhasi, akati, "Kana dai ndakatengesa mharidzo yangu yenyasha kumaPentekosti aibvira, pane kuita zvandakaita pano nemiboka," akati, "uye ndikazvikonzeria kuti ndinetsekane,

ndikasvika pekuti ndakava nezviuru nezviuru zvemadhora echikwereti. Ndakazvinetsa kusvikira ndaita kenza, uye ndava kufa zvino. Dai ndakatengesa mharidzo yangu yenyasha kumaPentekosti anobvira, Mwari vangadai vakandiropafadza zvakanyanya nokuda kwayo.” Ndizvozvo.

²³¹ Akati aive zasi ikoko mu—mumasango, zvino akabatwa nemarariya zvakasimba kana zvimbewo. Zvaiva zvakaipa. Zvino akanga ari kure-kure uko mumasango, uye ari mutendi akasimba mukupodza kwaMari. Uye akati akawedzera kurwara nekuwedzera kurwara. Akanamata, akanamata. Zvino mamwe mamishinari akati vaizongotora igwa voenda kunotora chiremba. Manjeka, zvaizovatorera mazuva kuti vawane chiremba. Zvino akati, “Ini—ini... Musadaro. Ingozvisiyai zvakadaro.” Akati, “Kana Mwari vakasandipodza, saka ndiri kuuya Kumusha.”

²³² Saka akati mudzimai wake akagara naye mukamuri. Kwakaramba kuchiwedzera kusviba nekusviba. Ndokuti akadaidza mudzimai wake, akati, “Mudiwa, bata ruoko rwangu.” Akati, “Ingoramba uchiindinamatira. Kwave kusviba zvino.” Akati, “Ndi—ndinotenda kuti mimvuri iri kundiwira.” Akati, “Bata... Ingobata ruoko rwangu unamate, pandinenge ndichibuda.” Akazvigadzirira, kunosangana naMwari.

²³³ Akangoita sekubatwa nemweya. Zvino akati akarota kuti aive adzoka kuno kuOregon zvakare, semujaya, achitema mati. Ndokuti mukuru wekamba akati, “Paul, enda kumusoro kuno kune rumwe rutivi rwechikomo, unodonhedza mumwe muti, wakakura zvakadai.”

²³⁴ Akati akamhanya achikwidza chikomo nemakumbo ake echidiki, ndokuwisira muti pasi, ndokuupurura, ndokurovera demo pasi. Akati mupaini uya waiva munyoro, demo rake rakapinza, guru, rinotema nekumativi maviri rakapinda mumupaini zvakakanaka kwazvo. Uye akati akaubata, akafunga kuti, “Zvino, ndichangoutakura ndichidzika nechikomo.”

²³⁵ Murume akanaka, akasimba, akati, “Ndaisidzidzira kuisa mabvi angu pamwe chete, ndosimudza nemusana wangu, chikamu chikuru chemunhu.” Mhasuru dzake dzaive kumusana nemapendekete, kuseri kwemakumbo ake. Akati, “Ndaisimudza danda guru,” oriisa pafuzi rake, ofamba achienda. Asi akati, “Iroro raingove dandawo zvaro, asi,” akati, “Ndakango...” [Hama Branham vanorovera pamaikorofoni—Mupepeti] (Ndine urombo.) Akati, “Ndaisatongokwanisa kufambisa danda iroro.” (Ndine hurombo.)

²³⁶ Akati, “Ndaisatongokwanisa kufambisa danda iroro.” Akati, “Ndakakikiritsa, uye ndikakikiritsa uye ndikaedza kurisimudza, zvino handina kutongokwanisa kuzviita.” Akati, “Ndakapedza simba rangu rose mandiri.” Akati, “Ndakatongotadza kufambisa danda iroro.” Uye akati,

“Pakupedzisira, ndakapera simba zvikuru, ndakangogara pasi ndakazendamira pamuti ndokutanga kupukuta dikita. Ndainge ndangorukutika.”

²³⁷ Uye akati, “Mushure mechinguva, ndakanzwa inzwi remukuru wangu.” Asi akati, “Raiva izwi raitapirisa randati ndakambonzwa.” Uye akati, “Pandakacheuka, inzwi rakati kwandiri, ‘Paul.’ Uye ndikati, ‘Hongu, mukuru, chii?’ Akati, ‘Ko uri kuri dhonzerei?’” Akati, “Asika, mandirayira kuti ndiriunze zasi kumusasa, zvino ndangozvinetesha, naro. Handisi kungo—handisi kungokwanisa kuzviita, mukuru.’ Akati, ‘Paul, hausi kuona here hova yemvura iyo iri kuyerera apo chaipo?’ Akati, ‘Hongu.’ Akati, ‘Hova iyoyo inodzika kumusasa chaiko. Wadii kungorikandira mumvura, wosvetukira pariri wotasva uchidzika kumusasa?’ Akati, ‘Handina kumbofunga nezvazvo.’”

²³⁸ Saka akangorikungurutsira mumvura, ndokusvetukira pariri, ndokuti, “Oo, ini zvangu!” Akatanga kupfachura-pfachura mvura, nekusvetuka, nekudanidzira, nenzwi guru, paaifamba napamusoro pemasaisai, uye achidzika zasi nemumvura, zvese, akatasva padanda iri, achidzika, achidanidzira, “Ndakatasva pariri! Kutasva pariri!”

²³⁹ Akati, chinhu chokutanga, akabengenuka, akanga ari pakati chaipo pauriri, uye mudzimai wake achidanidzira pamwe naye. Aishevedzera, “Ndakatasva pariri! Ndakatasva pariri! Ndakatasva pariri!” Hama!

Marudzi ari kupamuka, Israeri iri kupepuka,
Zviratidzo izvo Bhaibheri rakafanotaura;
Mazuva eMarudzi ave kupera, akaremerwa
nenhamo zhini;
“Dzokai, O vakapararira, kwenyu.”

²⁴⁰ Mharidzo iyi yeShoko raMwari ndiyo Chokwadi. Kurarama kana kufa, ndakatasva paIri. Handi... Handisi kuita nharo naYo. Handisi kuedza kuita nharo pamusoro paYo. NdangoItora, uye ndakatasva paIri. Regai vatsoropodzi vasimuke. Ndichayangarara napasaisai rese. Ndiri kupinda mumusasa, rimwe ramazuva ano, ndakatasva paShoko raMwari. Ameni. Ndine chokwadi chekusvika ikoko.

Ngatinamatei.

²⁴¹ Sei uchikikiritsana nemutoro wako wechivi? Nei uchiva uri muchinhano chauri, usingazine pawakamira, uchimhanya kubva kune imwe chechi uchienda kune imwe chechi, uye uchibva pane imwe nzvimbo uchienda kune imwe nzvimbo? Wadii wangochikandira mukati, pamuchinjikwa, manheru ano, wotasva paShoko? Wadii wangotorwa vimbiso yaMwari manheru ano wotasva uchibva munyonganyonga, kuenda kunze uchinopinda mudenga guru, rakazaruka saizvozvo? Usakikiritsane naRo. Usanetseke naRo. IngoRitenda,

Rigamuchire. Humambo husingagoni kuzunguzwa. Tasva paRiri.

²⁴² Kana uri kurwara manheru ano, tora vimbiso yaMwari, “Ndini Jehovha anopodza zvirwere zvako zvose.”

²⁴³ “Ndichapora sei, Hama Branham? Chiremba anoti ndine dambudziko remoyo, ndine kenza, ndine *izvi*, *izvo*,” chero zvazvingava, “Ndiri matsi, mbeveve. Ndiri bofu,” chero zvazvingava. Zvinoita mutsauko wei? Ingogamuchira vimbiso yaMwari uye wotasva pairi.

²⁴⁴ Ngatitorei zimuti ziguru, toribairira zasi kuno, uye tonyora pamusoro paro, “Munamoto wekutenda wanamatwa manheru ano; ndichatasva pauri. Bhaibheri rakati, ‘Munamoto wekutenda uchaponesa vanorwara, uye Mwari vachamumutsa. Kana akaita chivi, achachikanganwirwa.’ Ndakatasva pauri. Ndinozvitenda.”

²⁴⁵ Kana wakakanganisa, kana wakatsauka manheru ano, “Uyo anofukidza chivi chake haabudirire. Asi uyo anoreurura chivi chake achawana tsitsi.” Wadii wachireurura?

“Zvino, chii chandinofanira kuita, Hama Branham?”

²⁴⁶ Chireurure, wobva watasva pachiri. Mwari vakataura kudaro. Zvichanyatsokubvisa chaizvo kubva pachivi chako.

²⁴⁷ Munhu iyeye ari pano here manheru ano, asina kumbobbvira akaisa ruvimbo rwake chairwo muna Mwari kuitira ruponeso rwemweya wako, uye ungada kurangarirwa mumunamato tichivhara? Ungasimudza ruoko rwako here, woti, “Ndinamatirei, Hama Branham. Ndinoda kurasa mitoro yangu.” Mwari vakuropafadzei. Mwari vakuropafadzei. “Ndinoda kukanda...” Mwari vakuropafadzei, amai. “Ndinoda kurasa mitoro yangu.” Mwari vakuropafadzei, hama. Mwari vakuropafadzei kumashure uko, changamire. Mwari vakuropafadze, mudzimai wechidiki. Zvakanaka. Ndizvozvo. Mwari vakuropafadzei. “Ndinoda kurasira mitoro yangu paAri ndongotasva pavimbiso yaKe zvino. Ndinotenda kuti Akavimbisa, ‘Uyo anouya kwaNdiri, haNdingatongomurasire kunze.’”

²⁴⁸ “Kwete manzwiro andinoita, ‘Ndakanamatirwa manheru apfuura, Hama Branham; handisi kunzwa zviri nani.’” Izvozvo hazvina chinhu chimwe chekuita nazvo. Handisi kutasva pamanzwiro angu. Ndakatasva paShoko raKe. Ivimbiso yaKe.

²⁴⁹ “Hama Branham, ndakaenda kuwartari, ka 4 kana ka 5, ndichiedza kugamuchira Mweya Mutsvene. Handina kumboUwana.”

²⁵⁰ Hazvina chimwe zvacho chazvinoreva. Ingonyatsogara uri padanda, richakuunza wakananga zasi chaiko kumusasa, mumusasa weMatangwe, mumusasa wevatsvene. Unosvika ikoko. Ingogara uri padanda rako, wodanidzira nokushevedzera

rumbidzo dzaMwari nekukwanisa kwaunogona nako. Ndiyo nzira yekuzviita nayo.

²⁵¹ Apo takakotamisa misoro yedu, unonyatsoda here kutasva pariri? Zvino, chinhu chidiki ichocco chiri kutekenyedza pamoyo pako, ungada here kuuya pano uye womira pamberi peartari kwechinguva uye woita kuti tikunamatire nokuisa maoko pamusoro pako? Tingafara kuti uuye.

²⁵² Ngatitorei chinhu chidiki ichocco chaiswa pamwoyo wako manheru ano, toti, “Unoziva, wakakanganisa. Zvino simudza ruoko rwako.” Zvakana.

²⁵³ Wakatsika padanda, danda revimbiso yaKe; muti, muchinjikwa wakatemerwa pasi. Mbundira muchinjikwa uyu zvino. Famba uuye kumusoro kuno woti, “Zvino ndava kuzotasva pauri. Iko zvino ndichazvitenda. Ndiri kuzovigamuchira. Ndinozvitenda. Handife ndakashanduka. Ndichagara chaizvo neShoko iroro, kusvikira iroro rasimbiswa. Uye zvino mushure mekunge iro rasimbiswa, ndichananavira ndokwira pane rimwe, ndotanga kutasva ndichienda.” Maona?

²⁵⁴ Uye shoko neshoko, nhanho nenhanko, uchatora zvese zvawakavimbisa naMwari. “Nokuti zvinhu zvose zvinogoneka,” kuna iye achaitasva. Tasva pavimbiso yaKe, nokuti ine chokwadi chekukuunza kumusasa. Ichakuunza kuHupo hwaMwari.

²⁵⁵ Ungauyewo here zvino apo takakotamisa misoro yedu? Uye tokumbira chero ani angada kumira paartari, kwechinguvana kuti tinamate.

²⁵⁶ “Ndiri kutasva pairi, Ishe. Ishe, ndinotenda. Kupokana kwangu kwese kwakavigwa mutsime. Ishe, ndiri kuuya. Ndinozvitenda. Ndiri kutsika paShoko chaipo manheru ano, uye ndichazvitenda nemoyo wangu wese. Ndiri kuKutorai paShoko reNyu.”

²⁵⁷ Mumwe mudzimai anokosha akamira pano paartari, kuti—kuti aratidze kuna Mwari kuti ari kurevesa. Hamungauyewo here, imi manga makakotamisa misoro yenu, uye maoko enyu akasimudza, uye muchida kurangarirwa mumunamato? Mungafambawo muchiuya kuno here? Mwari vakuropafadzei. Ingouyai kuno. Ndizvozvo. Huyai kuno chaiko mumire pano. Iti, “Ndichatasva pairi. Mwari, Makaita vimbiso, chimwe chinhu chagogodza pamwoyo wangu, uye ndiri kuuya iko zvino kuzotasva pamusoro payo. Uye ndicharamba ndiri pairi kusvikira yandisvitsa kumusasa chaiko. Ndiri kuuya zasi chaiko kumusasa wevatsvene veUyo Wekumusoro-soro.” Mwari vakuropafadzei. Zvakana izvozvo. Huya izvozvi zvino, iwe unoda kutasva pairi. Sezvaungori, “Sezvandingori, ndisina kana chikumbiro chimwe chete.”

²⁵⁸ Rangarirai. Unoti, “Muti here uyo?” Hongu. Paiva nemuti wakatemwa, imwe nguva, zvino wakagadzikwa zvakare

paKarivhari. Chingosvetukira pamuti iwoyo manheru ano, nevimbiso dzaMwari, Shoko rainge rakarembera pamuti.

²⁵⁹ Ndakatasva pauri. Ndichazvitenda, nemwoyo wangu wose. Ndinoda kuita sekuya kuno ndokwazisa maoko ehama dzangu.

²⁶⁰ Mwari vakuropafadzei, nokuda kwekumira kwenyu kwehumhare. Ndinoda kuti muve muri pano, kwechinguvana, apo tichinamata. Mwari vakuropafadzei, hama yangu. Hanzvadzi yangu inokosha, Mwari vakuropafadzei. Ishe Jesu...?...Mwari vakuropafadzei, hama yangu. Mwari vakuropafadzei, hanzvadzi. "Nditungamirrei." Okutungamirira mhiri kwerwizi.

²⁶¹ Rangarirai, semuranda waKristu, ndine mungava pakuparidzwa kweShoko. Ndine mungava kuchapupu changu. Uye ndingamira pano manheru ano...

²⁶² Uye murume ane makore 55, kana makore 53 okuberekwa, ndichisvitsa 54 muna Kubvumbi, ndomira pano ndoziva kuti, kunyangwe chiratidzo chekupedzisira ichi, anogona kunge ari mazuva angu mashoma ekupedzisira panyika. Ndi—ndinogona kukusiyai mumazuva mashoma. Handizivi zvazvinoreva. Ingoteererai kutepi uye moisa zvamunofunga nezvazvo. Handizivi zvazvinoreva. Ndingamira pano here, ndichitenda muchidimbu kuti ingave iri mharidzo dzangu dzekupedzisira dzandiri kuzomboparidza, ndemuno chaimo muPhoenix, ndotaura chimwe chinhu chinenge chisiri icho, uye ndichiziva kuti magumo angu ari mhiri uko, uye ndichatongwa nemashoko angu?

²⁶³ Hama dzangu, regai nditaure izvi kwamuri, nehanzvadzi dzangu. Manga muri mumisangano. Munoziva, kunzvera nezvimwe. Ndakambotaura here chero chinhu kwamuri, muZita raShe, kunze kwechakaitika? Ndichabunza chero munhu zvake. Kwete, changamire. Kupotera pasi rose, nezviuru zvezviratidzo, hakuna kumbovapo. Uye ndinokuudzai chokwadi manheru ano, Ropa raJesu Kristu rakakwana zvikuru zvokuti rinobvisa gwapa rose, uye zvichave saizvozvo.

Pane chitubu chizere neRopa, (Uye wakamira paChiri zvino.)

Rakatorwa kubva mutsinga dzaEmanueri,
(Chinhu chega chechokwadi chasara
panyika.)

Apo vatadzi vakanyudzwa pasi pemaflashamo,
Vanorasikirwa nemakwapa avo ose emhosva.

²⁶⁴ Ndichakumbira vashumiri ava zvino, nehamu, kana mukafamba pakati pevanhu ava. Chero ani hake... Ndiyo nzira yacho here, yamunodaidza vashumiri kuti vanamate nevanhu? Vashumiri vose vari muno, zvino, vanoda, vanofarira kuona mweya ichiponeswa, huyai pano momira seboka revanamati, apo tinokwanisa kuzvibatanidza pamwe chete, tobva pane

zvimwe zvinhu zvose, uye tozvipatsanura. Ava ndivo varume nemadzimai vari kusimbisa kwavari kuenda, manheru ano, neRopa raJesu Kristu, vachiMutora paShoko raKe, vachitasva vakananga kumusoro chaiko muHupo hwaKe, paShoko raKe, uye voti, “Ndiri pano, Ishe. Handina chinhu chandingapa kunze kwangu, uye nditorei.” Ungauyewo here kuzomira navo, kana uchida? Chero hake angada, huya umire. Mwari vakuropafadzei, hama dzangu. Zvakanaka chaizvo. Ndinoda kuona varume vane humhare, vane hanya nemweya. Ndinofunga kudaro, hama dzangu, zvakanaka. Huyai pano chaipo. Zvakanaka. Miraipo makapoteredza. Zvino ngatingo . . .

²⁶⁵ Kana muridzi wepiyano akasvika kumumhanzi, kana angadaro, ngatiimbei rwiyo urwu, zvinotapira zvino, pfungwa dzakawana, mururemekedzo.

²⁶⁶ Hatisi kuuya kune chimwe chinhu chengano. Hatisi kuuya kune chimwe chinhu chinongori ku—ku—kutenda kwekabanga. Asi tiri kuuya muHupo hwaMwari, Jehovha Mwari samasimba, Uyo akavimbisa, kuti, “Chero papi panoungana 2 kana 3 muZita raNgu, ipapo Ndiripo pakati pavo.” Taura naYe sezvaungaita neshamwari yako, uti, “Ishe, ndine urombo. Ndakatadza.” Zvino tichaimba.

Pane chitubu chizere neRopa,
Rakatorwa kubva mutsinga dzaEmanueri,
Apo vatadzi vakanyudzwa pasi pemafashamo,
Vanorasikirwa nemakwapa avo ose emhosva.

Mbavha iya yainge yofa yakafara kuona
Chitubu ichocco muzuva rake;
Ipapowo ini, kunyange ndakaipa saiye,
Rinoshamba zvivi zvangu zvose.

Kubvira nekutenda ndakaona Hova iyoyo
Maronda eNyu anoyerera akapa,
Rudo rwunodzikinura rwave dingindira rangu,
Uye rwuchava kusvikira ndafa.

²⁶⁷ Ingova mudiki chaizvo zvino. Hausi chinhu. Hapano mumwe wedu anova chinhu. Uye nekungoperera zvino, nemoyo yenu yese, ingokotamisai mwoyo yenu nemisoro, kwose-kwose, muchivakwa chese.

²⁶⁸ Baba vedu vari Kudenga, ndinoziva kuti Mashoko eNyu ndeechokwadi kwazvo. Haagoni kukundika. Ndiwo Shoko raMwari. Ndiwo Mwari. Uye Makati, “Uyo anouya kwaNdiri, haNdingatongomurasiri kunze.” Zvino varume nemadzimai aya, vari pasi pekopomerwa, vachiziva kuti havana kururama, vafamba vachiuya mberi, manheru ano, Ishe, kuti vareurure kuti vakakanganisa, vachiziva kuti vazunguzwa nekumwe kufamba kuri mukati kwa—kwavadaidza kuti vauye kuChitubu. Zvino hevanoi vamire, nemisoro nemoyo zvakakotamiswa, kuti

vanwe Mvura dzeHupenyu, pachena, dzakavimbisa naMwari. Vagamuchirewo, Baba, muHumambo hweNyu. NdeveNyu.

²⁶⁹ Makati, "Hapana munhu anokwanisa kuuya kwaNdiri kunze kwekunge Baba vaNgu vamudhonza kutanga. Uye vose vaNdakapihwā naBaba vachauya kwaNdiri." Uye zvinoratidza kuti Mwari vakapa ava kuna Kristu, sechipo cherudo. Zvino hevanoi vamire, Ishe. "Hakuna munhu angavabvuta kubva muruoko rwaNgu." Uye ndinonamata, Mwari, kuti Mugovachengetedza manheru ano, vamire pano, uye muvape rubhabhatidzo rweMweya Mutsvene vachiri pano paartari.

²⁷⁰ Dai simba guru raKristu ranyatsozadza hupenyu hwavo zvino! Vaita kureurura kwavo. Vaya kumberi. Makati, "Uyo achaNdipupura pamberi pavanhu, iye Ndichamupupura pamberi paBaba vaNgu neNgirozi tsvene." Tinoziva basa iroro seriri kuitwa.

²⁷¹ Zvino, Ishe, vasimbisei muHumambo hwewimbiso, hweMweya Mutsvene. Zviitei, Ishe. Dururai Mweya weNyu pamusoro pavo, uye muvazadze noMweya waMwari mupenyu, kuti vave zvapupu zvinorarama mazuva ose ehupenyu hwavo, kuHumambo hwaMwari.

²⁷² Zvino regai ungano isimuke. Munhu wose mumunamato zvino. Tichanamata kuti ava...

²⁷³ Zvino, mumwe nemumwe wenyu auya kumusoro kuno manheru ano, achinzwa kuti wanga une chivi pamwoyo pakō, zvino hapana chaungaite kunze kwekungotenda izvozvo. Mutsvene... Unogamuchira *Izvi* nokutenda. Uku ndiko kutenda, kwaunogamuchira. Jesu akati, "Hapana munhu anogona kuuya kwaNdiri kunze kwekunge Baba vaNgu vamukweva kutanga. Uye wese anouya kwaNdiri," Achazvigamuchira. Hapana chimwe chaAnogona kuita, nokuti Akazvivimbisa. Maona? Usazorora pakutekenyedzwa zvino. Zorora paShoko raKe. Maona? Shoko rakataura kudaro.

²⁷⁴ "Uyo anonzwa Mashoko aNgu uye achitenda kuna iYe akaNditura, ane," nguva yazvino, "Hupenyu husingaperi, uye haazouyi paKutongwa, asi abva murufu achienda kuHupenyu." Mweya Mutsvene chiitiko chekuzadzwa nekupihwa simba rekushumira. Asi kureurura nokugamuchira Kristu ndiko kuva nokutenda uye wova nokupupura kwako, uye wonzwa kusununguka kuti Mwari vakuregerera zvivi zvako.

²⁷⁵ Uye pahwaro hweShoko raKe, Akati, "Hapana munhu anogona kuuya kunze kwekunge Baba vaNgu vamukweva kutanga." Maona? Zvino, Mwari vakakukweva, kutanga. "Uye anouya kwaNdiri, haNdingatongomurasiri kunze." Maona? Maona? Wa—watozvigamuchira. Chinhu choga, chaunacho...

²⁷⁶ Iye—Iye akakufira. Zvivi zvako zvakaregererwa, makore 1,900 akapfuura. Wangouya zvino kuzogamuchira zvaAkakuitira. Maona? Uye unotenda here kuti Akafira zvivi

zvako? UngaMugamuchira seyananiso yako here? Nemamwe mashoko, unoMugamuchira, sekutora kwaakaita zvivi zvako.

²⁷⁷ Uchafara here nokuMutenda nokutora zvivi zvako? Unotenda here kuti Akazviita? Saka ingosimudza ruoko rwako, uti, “Ndinotenda kuti Anobvisa chivi changu,” ameni, “anobvisa chivi changu.” Zvakana.

²⁷⁸ Zvino, wava zvino uyo anokodzera kubhabhatidza noMweya Mutsvene.

²⁷⁹ Kana usati wagamuchira rubhabhatidzo rweChikristu, mumwe wevarume ava pano achaona nezvazvo, kuti wawana rubhabhatidzo rweChikristu.

²⁸⁰ Asi zvino, “Petro achiri kutaura mashoko aya,” vasati vabhabhatidza, “Petro achiri kutaura mashoko aya, Mweya Mutsvene wakawira pamusoro pavo.” Sei? Vose vakanga vari pasi pekutarisira. Zvino uri pasi pekutarisira. Unoda chimwe chinhu zvino chicha—chichakusimbisa muHumambo hwaMwari, chimwe Chinhu chichava mazvirokwazvo kwauri. Unoda ku-... Haudi here kugamuchira Mweya Mutsvene, mumwe nemumwe wenyu? HaUudi here? Chokwadi, unodaro. Ndiro simba rako rinokuchenetedza. Maona?

Vakanga vakaungana mukamuri yepamusoro,
Vachinyengetera muZita raKe, ivo...
Vakabhabhatidza neMweya Mutsvene,
Zvino simba rekushumira rikauya.

²⁸¹ Maona? Oo, ndiro raunoda zvino. Uye unogona kuva naro, iko zvino. Nderako, iko zvino.

²⁸² Zvino, hama, fambai muuye kuno. Regai isu, munhu wose zvino, uye tiise maoko edu pamusoro pehama idzi, uye tinamate kuti vagamuchire Mweya Mutsvene. Fambai muchiuya kuno chaiko, hama. Fambai muchiuya kuno chaiko.

²⁸³ Zvino, ungano yose, simudzai maoko enyu zvino, munhu wose!...?...

²⁸⁴ Baba vedu veKudenga, muZita raIshe Jesu Kristu, zadzai moyo wose pano nerubhabhatidzo rweMweya Mutsvene.

²⁸⁵ Gamuchirai Mweya Mutsvene. Gamuchirai Mweya Mutsvene, vanhu ava pano vakamira uye vakamirira Hupo nesimba raMwari kuti rizadze hupenyu hwavo. 

63-0114 Hwamanda Inopa Ruzha Rwusinganzwisisike
Christian Assembly
Phoenix, Arizona U.S.A.

SHONA

©2024 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedza. Bhuku iri rinokwanisa kudhindhwapapirinda yekumba kuti ushandise uri iwe pachako kana kugovera kunze, usingatengesi, semudziyo wekuparadzira Evhangeri yaJesu Kristu. Bhuku iri harigoni kutengeswa, kudhindhwakawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimwewo zviripo zvingawanikwa, tapota nyorera:

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.**

www.branham.org